

Broj: 01-11-12-1118-4/22
Sarajevo, 04.09.2023. godine

Temeljem članka 60. i 70. Zakona o organizaciji organa uprave u Federaciji BiH („Službene novine Federacije BiH“, broj 35/05), članka 20. i 26. Pravilnika o unutarnjem ustroju Federalne uprave za geodetske i imovinsko-pravne poslove (broj:01-02-2-8/22 od 26.05.2022. godine), a u vezi sa članom 30. Zakona o razvojnom planiranju i upravljanju razvojem u Federaciji Bosne i Hercegovine („Službene novine Federacije BiH“, broj 32/17) i članom 12. Uredbe o evaluaciji strateških dokumenata u Federaciji Bosne i Hercegovine („Službene novine Federacije BiH“, br. 74/19 i 2/21), direktor Federalne uprave za geodetske i imovinsko-pravne poslove, d o n o s i

ODLUKU

O USVAJANJU IZVJEŠTAJA O PROVEDENOJ PRETHODNOJ (EX-ANTE) EVALUACIJI STRATEGIJE INFRASTRUKTURE PROSTORNIH PODATAKA FEDERACIJE BOSNE I HERCEGOVINE 2023 - 2027

I

Usvaja se izvještaj o provedenoj prethodnoj (ex-ante) evaluaciji Strategije infrastrukture prostornih podataka Federacije BiH (IPP FBiH) za period od 2023. do 2027. godine.

II

Evaluacija je provedena na osnovu, i sukladno odredbama Odluke o pokretanju procesa ex-ante evaluacije Strategije infrastrukture prostornih podataka Federacije Bosne i Hercegovine 2023 – 2027, br.: 01-11-12-1118-2/22 od 20.06.2023. godine.

III

Neovisna evaluacija kvalitete situacione analize, utvrđenih ciljeva, prioriteta, mjera i aktivnosti, unutrašnje i vanjske koherentnosti i interventne logike je rezultirala izmjenama i preporukama za izmjenu dokumenta Strategije infrastrukture prostornih podataka Federacije BiH (IPP FBiH) za period od 2023. do 2027. godine u cilju unaprjeđenja kvalitete dokumenta.

IV

Nadzor nad provođenjem usvojenih preporuka evaluacije obavlja Vijeće IPP FBiH.

V

Tijelo nadležno za koordinaciju provođenja procesa evaluacije dostavlja informaciju i izvještaj Vladi Federacije, radi informisanja.

VI

Ova odluka stupa na snagu danom donošenja i zajedno sa tekstom izvještaja se objavljuje na zvaničnoj web stranici tijela nadležnog za koordinaciju evaluacije i web stranici IPP FBiH“.


Direktor
Željko Obradović, dipl.ing.geod.

Dostaviti:

1. Kabinet direktora
2. Sektor za upravljanje projektima iz programa javnih investicija
3. a/a

**IZVJEŠTAJ O PROVEDENOJ PRETHODNOJ
(EX-ANTE) EVALUACIJI NACRTA
DOKUMENTA:**

**“STRATEGIJA INFRASTRUKTURE
PROSTORNIH PODATAKA FEDERACIJE
BOSNE I HERCEGOVINE
ZA PERIOD 2023.-2027. GODINA”**

Avgust 2023

SADRŽAJ

LISTA SKRAĆENICA	3
1. UVOD	4
Predmet i cilj evaluacije.....	4
Vremenski okvir provedbe evaluacije	5
2. METODOLOGIJA EVALUACIJE	6
Evaluacijski kriteriji i pitanja.....	6
Sadržaj izvještaja evaluacije.....	6
3. IZVRŠNI SAŽETAK	6
Glavni nalazi ex-ante evaluacije.....	7
4. NALAZI EX-ANTE EVALUACIJE	10
I PRIPREMA STRATEGIJE: PRINCIPI IZRADE STRATEGIJE.....	10
EP I.1 Da li je ispoštovan otvoreni metod koordinacije?	10
EP I.2 Kako je ispoštovan princip ravnopravnosti spolova i jednakih mogućnosti?.....	12
EP I.3 Da li ispoštovan princip horizontalne i vertikalne koordinacije?	13
EP I.4 Kako je ispoštovan princip partnerstva?.....	13
EP I.5 Da li je ispoštovan princip javnosti i transparentnosti?	14
II PRIPREMA STRATEGIJE: FAZE IZRADE STRATEGIJE	15
EP II.1 Da li je izrada strateške platforme u skladu s pravnim okvirom (strateška platforma i situaciona analiza uključuju podatke minimalno za tri godine, podaci razvrstani po spolu, starosnoj strukturi, sa posebnim osvrtom na socijalno ugrožene, vizija proizilazi iz zaključaka situacione analize, strateški cilj u skladu sa vizijom i SWOT analizom?	15
EP II.2 Da li je i kako je proveden proces konsultacija?	17
EP II.3 Da li je ispoštovana faza usaglašavanja strateške platforme? Da li je izvršena adekvatna provjera usklađenosti strateških dokumenata u FBiH?.....	19
EP II.4 Definiranje prioriteta i mjera: Da li su mjere definirane na način da mogu biti preuzete u implementacione dokumente na način (član 11, stav 4,5,6; član 12, stav 5; Uredba o trogodišnjem i godišnjem planiranju u FBiH)? Da li je svaki pojedinačni strateški cilj označen rednim brojem, pri čemu je njihov maksimalni broj je pet (član 11, stav 7)? Da li se svaka mjera označava sa hijerarhijski nižim rednim brojem relevantnog prioriteta? Da li mjere minimalno sadrže: vezu sa strateškim ciljem i prioritetom, (a) naziv mjere, opis mjere sa okvirnim područjima djelovanja, (b) indikatore za praćenje rezultata mjere, (c) razvojni efekt i doprinos mjere ostvarenju prioriteta, (d) indikativnu finansijsku konstrukciju sa izvorima finansiranja, (e) period implementacije mjere, (f) instituciju odgovornu za koordinaciju i implementaciju mjere?	20
EP. II.5 Da li su definirani strateški projekti sa svim elementima (kratki opis, očekivani efekti i indikativni finansijski okvir)?.....	22
EP II.6 Da li je udovoljeno fazi izrade indikativnog finansijskog okvira?.....	22
EP II.7 Da li je u Strategiji definisan način provođenja, praćenja, izvještavanja i evaluacije?.....	23
EP II.8 Da li je potrebno proširiti konsultantski tim/uključiti još subjekata u proces izrade Strategije?24	
EP II.9 Da li je adekvatan pravni okvir u okviru kojega su se morali kretati nosilac i ostali akteri izrade Strategije?.....	25
III KRITERIJ: RELEVANTNOST I KONZISTENTNOST	26
EP III.1 Jesu li identificirani ciljevi, prioriteti i mjere u skladu sa državnim, EU i SDG prioritetima i ciljevima?	26
EP III.2 U kojoj mjeri je osigurana konzistentnost finansijskog okvira sa ciljevima Strategije?.....	27

IV KRITERIJ: KOHERENTNOST, INTERVENTNA LOGIKA I EFEKTIVNOST 27

- EP IV.1 Postoji li komplementarnost i sinergija između definiranih mjera, prioriteta i ciljeva? 27
- EP IV.2 Postoji li pripremljena teorija promjene ili interventna logika Strategije? Uključuje li logičku vezu između ciljeva i izazova definiranih u SWOT analizi? U kojoj mjeri je interventna logika utemeljena na dokazima, iz studija, radova eksperata?..... 28
- EP IV.3 Postoje li aktivnosti i strateški projekti jasno definirani i postoje li aktivnosti koje bi bolje implementirale predložene mjere?..... 29

V KRITERIJ: SISTEM INDIKATORA 29

- EP V.1 Da li svaki cilj, prioritet i mjera imaju adekvatan broj indikatora?..... 29
- EP V.2 U kojoj mjeri predloženi indikatori reflektiraju promjenu i očekivane rezultata aktivnosti, odnosno, do kog nivoa su indikatori jasni, nedvosmisleni i dostupni? Da li indikatori sadrže polazne i ciljne vrijednosti? 30
- EP V.3 Da li su izvori indikatora navedeni i dostupni? Do kog nivoa su indikatori jasni i nedvosmisleni? 30
- EP V.4 Postoje li ograničenja za adekvatan monitoring indikatora rezultata? Postoji li potreba za posebnim aktivnostima kao priprema za monitoring poput treninga osoblja ili organizacije saradnje sa ministarstvima, ili institucijama koje su izvori podataka - jesu li ove aktivnosti predviđene dokumentom? 31
- EP V.5 Da li su procedure monitoringa jasno definisane? Da li je sistem izvještavanja/monitoringa i evaluacije postavljen na način da informira donositelje odluka? 31

VI KRITERIJ: STRUKTURNI OKVIR 32

- EP VI.1 Da li je ispoštovana minimalna struktura strateških dokumenata u FBiH kao što je opisano u Prilogu broj 1, člana 20 Uredbe o izradi strateških dokumenata u FBiH? 32
- EP VI.2 Da li je strateška platforma pripremljena sa ključnim elementima?..... 32
- EP VI.3 Da li su strateški ciljevi, prioriteti i mjere definisani jasnim, nedvosmislenim, jednostavnim, razumljivim jezikom? 33
- EP VI.4 Da li je pripremljen akcioni plan za strategiju? Ako jeste, za koji period je pripremljen i da li sadrži minimalne elemente iz Uredbe o izradi strateških dokumenata u FBiH? 33

PRILOG: PREGLED INDIKATORA CILJA, PRIORITETA, MJERA I AKTIVNOSTI 34

LISTA SKRAĆENICA

BiH – Bosna i Hercegovina

DOB – Dokument okvirnog budžeta

EU – Evropska unija

FBiH – Federacija Bosne i Hercegovine

FGU – Federalna uprava za geodetske i imovinsko-pravne poslove

FZZPR – Federalni zavod za programiranje razvoja

IGIF okvir - Integrated Geospatial Information Framework

NVO – Nevladina organizacija

OMK – Otvoreni metod koordinacije

PJI – Program javnih investicija

IPP – Infrastruktura prostornih podataka

Vijeće Federacije - Vijeće za razvojno planiranje i upravljanje razvojem Federacije

Vijeće IPP FBiH - Vijeće Infrastrukture prostornih podataka FBiH

SDG – Ciljevi održivog razvoja (eng. Sustainable development goals)

SIPP FBiH – Strategija infrastrukture prostornih podataka Federacije Bosne i Hercegovine za period od 2023. do 2027. godine

SSPP analiza – analiza snaga, slabosti, prilika i prijetnji (SWOT analiza: snage (eng. Strengths), slabosti (eng. Weakness), prilike (eng. Opportunities), prijetnje (eng. Threats))

1. UVOD

Na prijedlog Federalne uprave za geodetske i imovinsko-pravne poslove, Vlada FBiH je 14.07.2022. godine donijela Odluku V.broj: 1077/2022 o pokretanju procesa izrade dokumenta „Strategija infrastrukture prostornih podataka FBiH za period od 2023. do 2027. godine“. Navedena Strategija je integrisani, višesektorski strateški dokument koji predstavlja novu inicijativu u sektoru javne uprave FBiH te je dio strateskog pristupa Evropske inicijative koja povezuje infrastrukture prostornih podataka. Osnovni cilj izrade dokumenta „Strategija infrastrukture prostornih podataka Federacije Bosne i Hercegovine za period od 2023. do 2027. godine“ je definisanje prioriternih ciljeva, projekata i aktivnosti koji će doprinijeti unapređenju i daljem razvoju infrastrukture prostornih podataka FBiH i ispunjavanju zahtjeva direktive EU, a svrha je stvaranje pretpostavki za servisiranje prostornih podataka na teritoriji FBiH, BiH i šire regije, a sve u skladu s direktivom i trendovima u Evropskoj uniji.

Nosilac izrade Strategije infrastrukture prostornih podataka Federacije Bosne i Hercegovine za period od 2023. do 2027. godine“ (u nastavku: SIPP FBiH) su Federalna uprava za geodetske i imovinsko-pravne poslove i Vijeće IPP FBiH u skladu sa Zakonom o infrastrukturi prostornih podataka FBiH, Zakonom o razvojnom planiranju i upravljanju razvojem u FBiH i Uredbom o izradi strateških dokumenata u FBiH. Učesnici u ovom procesu su institucije odnosno svi organi javne vlasti kojima je povjereno upravljanje prostornim podacima u skladu sa Zakonom o IPP FBiH, te socio-ekonomski partneri.

Sukladno zakonskim odredbama i odredbama Uredbe o evaluaciji strateških dokumenata u Federaciji BiH, sastavni dio procesa pripreme svakog strateškog dokumenta je i izrada prethodne ili ex-ante evaluacije nacrtu dokumenta od strane funkcionalno i organizacijski nezavisnog eksperta. U tom smislu je u saradnji sa institucijom nadležnom za pripremu Nacrta SIPP FBiH, kao i drugim učesnicima na pripremi nacrtu, izvršena i ex-ante evaluacija nacrtu SIPP FBiH koja je provedena u fazi izrade SIPP FBiH, a prije usvajanja, sa ciljem unapređenja kvaliteta, relevantnosti, provodivost i koherentnosti dokumenta.

Evaluacija se provodi na osnovu i sukladno odredbama Odluke o pokretanju procesa ex-ante evaluacije Strategije infrastrukture prostornih podataka Federacije Bosne i Hercegovine 2023 – 2027, br: 01-11-12-1118-2/22 od 20.06.2023. godine koju donosi rukovoditelj organa nosioca izrade strateškog dokumenta.

Strategija podrazumijeva implementaciju kroz trogodišnje i godišnje planove rada, Dokument okvirnog budžeta i budžet, kao i Program javnih investicija. U tom smislu, svaki strateški dokument, pa tako i SIPP FBiH, mora biti usklađen sa cjelokupnim sistemom planiranja. Sažeti rezultati evaluacije koriste se i uvrštavaju u godišnji izvještaj o razvoju.

Nezavisna evaluacija kvalitete situacione analize, utvrđenih ciljeva, prioriteta i mjera, unutrašnje i vanjske koherentnosti i interventne logike je rezultirala preporukama koje su u dijalogu i saradnji sa nadležnom institucijom doprinijele kvaliteti dokumenta.

Predmet i cilj evaluacije

Opći ciljevi evaluacije utvrđeni Odlukom o pokretanju procesa ex-ante evaluacije Strategije infrastrukture prostornih podataka Federacije Bosne i Hercegovine 2023-2027 su:

- pružanje blagovremenih i relevantnih informacija nadležnim institucijama, Federalnoj upravi za geodetske i imovinsko-pravne poslove (Koordinacijskom tijelu IPP FBiH) i Vijeću IPP FBiH prilikom određivanja razvojnih prioriteta i strateških pravaca,
- kontinuirano unapređenje javnih politika korištenjem rezultata evaluacije strateških dokumenata,
- osiguranje transparentnosti i odgovornosti za korištenje javnih finansijskih sredstava.

Evaluacija strateških dokumenata u FBiH se provodi sa ciljem osiguranja većeg stepena odgovornosti, efektivnosti i učinkovitosti institucija svih nivoa vlasti u FBiH u procesu izrade i u procesu implementacije strateških dokumenata vodeći računa i o uticaju strateških dokumenata na ravnopravnost spolova i jednakim mogućnostima za sve građane FBiH.

Nacrt SIPP FBiH se sastoji od tri dokumenta:

- Studija početnog stanja,
- Strategija IPP-a FBiH za period 2023.-2027. godina i
- Akcijski plan

Glavni ciljevi ove ex-ante evaluacije su unapređenje kvaliteta i implementabilnosti SIPP FBiH, kroz nezavisno mišljenje koje se odnosi na proces i rezultat pripreme SIPP FBiH, identifikaciju preporuka koje mogu unaprijediti nacrt dokumenta kao i da se adresiraju eventualni nedostaci. Kroz pripremu evaluacijskog izvještaja dobija se nezavisna procjena kvalitete situacione analize, odnosa situacione analize SSPP (SWOT), unutarnje i vanjske koherentnosti, relevantnosti, mogućnosti mjerenja stanja i uspješnosti implementacije i indikativnog okvira.

U tom smislu, ciljevi ex-ante evaluacije SIPP FBiH su također: izvršiti procjenu relevantnosti ciljeva, prioriteta i mjera imajući u vidu situacionu analizu, rezultate provedene SSPP analize i utvrđene strateške odrednice i ugovore na nivou BiH kao što su EU put i SDG okvir za BiH kao i strateške dokumente za FBiH, osigurati transparentnost i odgovornost u pripremi dokumenta, sagledati sam proces pripreme SIPP FBiH, unaprijediti kvalitet nacrt dokumenta, unaprijediti koherentnost dokumenta, sagledati prioritete, mjere, aktivnosti i odgovarajuće okvire indikatora te izvršiti procjenu adekvatnosti finansijskog indikativnog okvira.

Vremenski okvir provedbe evaluacije

Ex-ante evaluacija je dio procesa pripreme SIPP FBiH i nadopunjava proces pripreme dokumenta. U ovom slučaju je predviđena po završetku nacrt dokumenta, a prije dostavljanja u formalnu proceduru usvajanja od nadležnih institucija kako je propisano Uredbom o izradi strateških dokumenata u FBiH¹.

Pri izradi evaluacije se vodilo računa o potrebnom vremenu za provedbu evaluacije, što je u ovom slučaju iznosilo 70 dana roka za provođenje ex-ante evaluacije. Unutar ovog vremenskog okvira osigurano je i vrijeme za iterativni konsultativni proces između FGU i nezavisnog konsultanta.

Vremenski okvir provedbe evaluacije dat je u narednoj tabeli.

Tabela 1 Vremenski okvir provedbe evaluacije

R.br.	Aktivnosti	Datum
1.	Početak izrade Izvještaj o evaluaciji SIPP FBiH (dostavljanje metodologije i početnih pitanja)	20.06.2023.
2.	Odgovori FGU na početna pitanja	02.07.2023.
3.	Dostavljanje prvog nacrt Izvještaja o evaluaciji SIPP FBiH	17.07.2023.
4.	Prvi sastanak u FGU	20.07.2023.
5.	Dostavljanje komentara FGU u vezi prvog nacrt Izvještaja o evaluaciji SIPP FBiH	01.08.2023.
6.	Dostavljanje drugog nacrt Izvještaja o evaluaciji SIPP FBiH	15.08.2023.
7.	Drugi sastanak u FGU	18.08.2023.
8.	Dostavljanje komentara FGU u vezi drugog nacrt Izvještaja o evaluaciji SIPP FBiH	21.08.2023.
9.	Finalni Izvještaj o evaluaciji SIPP FBiH	28.08.2023.

¹ Uredba o izradi strateških dokumenata u Federaciji BiH, Službene novine Federacije BiH broj 74/19, 9.10.2019. godine i Uredba o dopuni Uredbe o izradi strateških dokumenata u Federaciji BiH, Službene novine Federacije BiH broj 2/21, 13.01.2021. godine

2. METODOLOGIJA EVALUACIJE

Metodologija evaluacije se oslanja na relevantne propise i dokumente - Zakon o razvojnom planiranju i upravljanju razvojem u FBiH, Uredbu o evaluaciji strateških dokumenata u Federaciji Bosne i Hercegovine, INSPIRE direktive, Strategiju razvoja Federacije BiH 2021-2027, Strategiju razvoja FGU za period 2021-2027, Strategiju uspostave i održavanja IPP-a FBiH, Zakon o IPP-u FBiH, Trogodišnje planove FGU, izvještaji o radu Vijeća IPP-a.

Metodologija evaluacije obuhvata sljedeće kvantitativne i kvalitativne metode: desk istraživanje, procjenu adekvatnosti procesa pripreme sa pravnim okvirom, evaluaciju nacрта SIPP FBiH sa aspekta kriterija relevantnosti, koherentnosti, konzistentnosti, efektivnosti sa preuzetim međunarodnim obavezama, strategijama državnog i FBiH nivoa, sa identificiranim potrebama kroz interventnu logiku, situacionu SSPP analizu, definirane ciljeve, prioritete i mjere strategije kao i sastanke i razgovore sa predstavnicima FGU kao nosiocima izrade SIPP FBiH.

Metodologija evaluacije uključuje i pripremu evaluacijskih pitanja na osnovu Projektnog zadatka, Uredbe o evaluaciji strateških dokumenata i međunarodne dobre prakse, uz uvažavanje specifičnosti ex-ante pristupa. Obzirom da je riječ o ex-ante evaluaciji, kriteriji uticaja, efikasnosti i održivosti koji su navedeni u Uredbi o evaluaciji, nisu primjenjivi na ex-ante ili prethodnu evaluaciju. Ključni kriteriji za ex-ante evaluaciju su relevantnost, koherentnost, konzistentnost, efektivnost nacрта SIPP FBiH, mogućnosti sistema monitoringa i evaluacije da donosioce odluka informiše kvalitetno i pravovremeno, definiranje preporuka za poboljšanje kvaliteta dokumenta koje će odražavati nalaze evaluacije uz uvažavanje komentara FGU.

Učešće FGU u pripremi ove evaluacije obuhvata osiguravanje pristupa dokumentima Nacрта SIPP FBiH i svim ostalim radnim dokumentima, osiguravanje kontakata učesnika procesa i razmatranje preporuka i izjašnjavanje po preporukama.

Evaluacijski kriteriji i pitanja

Za potrebe realizacije ciljeva evaluacije pripremljen je skup evaluacijskih pitanja koja se zajedno sa komentarima i preporukama nalaze u glavnom dijelu ovog Izvještaja.

U tom smislu, fokus evaluacije je na sljedećem: pripremi SIPP FBiH u smislu poštovanja principa i faza izrade strateškog dokumenta, relevantnosti i konzistentnosti nacрта SIPP FBiH, koherentnosti u smislu postojanja komplementarnosti i sinergije između definisanih mjera, prioriteta i ciljeva, interventne logike i efektivnosti u smislu doprinosa aktivnosti i mjera ostvarenju cilja mjera, prioriteta i strateškog cilja SIPP FBiH, mogućnosti sistema monitoringa i evaluacije da kvalitetno i na vrijeme informiše donosioce odluka, procjenu adekvatnosti finansijskog okvira sa gledišta dostupnih sredstava i kroz definirane potrebe za implementaciju mjera i aktivnosti i definiranje preporuka za poboljšanje kvaliteta dokumenta koje će odražavati nalaze evaluacije uz uvažavanje komentara FGU.

Sadržaj izvještaja evaluacije

Sadržaj izvještaja o provedenoj ex-ante evaluaciji sadrži sljedeća poglavlja:

- Uvod sa predmetom, ciljem i vremenskim okvirom evaluacije
- Metodologiju evaluacije
- Izvršni sažetak sa glavnim nalazima ex-ante evaluacije
- Nalaze ex-ante evaluacije
- Prilog: Pregled indikatora cilja, prioriteta, mjera i aktivnosti

3. IZVRŠNI SAŽETAK

Izvještaj sadrži rezultate provedene prethodne (ex-ante) evaluacije Nacрта dokumenta Strategija infrastrukture prostornih podataka Federacije Bosne i Hercegovine za period 2023.-2027. godina.

Ex-ante evaluacija je urađena u skladu sa Zakonom o razvojnom planiranju i upravljanju razvojem u Federaciji BiH² i Uredbom o evaluaciji strateških dokumenata u Federaciji BiH³, kao dio procesa pripreme svakog strateškog dokumenta u FBiH.

Evaluacijom strateških dokumenata u FBiH se nastoji osigurati veći stepen odgovornosti, efektivnosti i efikasnosti institucija svih nivoa vlasti u FBiH kao i partnerstvo, javnost i transparentnost u procesu izrade i u procesu implementacije strateških dokumenata. U tom smislu, imajući u vidu i aspekt uticaja predmetnog strateškog dokumenta na ravnopravnost spolova i jednakih mogućnosti za sve građane FBiH, provedena je ex-ante evaluacija sa ciljem unapređenja kvaliteta, implementabilnosti, relevantnosti i koherentnosti Nacrta SIPP FBiH, gdje su kroz nezavisnu evaluaciju kvalitete situacione analize, utvrđenih ciljeva, prioriteta i mjera, unutrašnje i vanjske koherentnosti i interventne logike date preporuke koje su u dijalogu i saradnji sa nadležnom institucijom doprinijele kvaliteti predmetnog strateškog dokumenta.

Nastojeći dati procjenu koliko su učinkovito dijagnosticirana pitanja razvoja, procjenu važnosti strategije i predloženih ciljeva, stupanj koherentnosti u odnosu na propise i smjernice te procjenu realnosti očekivanih rezultata, u ovoj evaluaciji nastojalo se odgovoriti na pitanja koja su pripremljena na osnovu Uredbe o evaluaciji strateških dokumenata i međunarodne dobre prakse.

Ključni kriteriji za ex-ante evaluaciju su relevantnost, koherentnost, konzistentnost, efektivnost. Metodologija evaluacije se oslanja na Zakon o razvojnom planiranju i upravljanju razvojem u Federaciji Bosne i Hercegovine, Uredbu o evaluaciji strateških dokumenata u Federaciji Bosne i Hercegovine i pregled relevantnih dokumenata. Metodologija obuhvata kvantitativne i kvalitativne metode: desk istraživanje, procjenu adekvatnosti procesa pripreme sa pravnim okvirom, evaluaciju nacrta SIPP FBiH sa aspekta kriterija relevantnosti, koherentnosti, konzistentnosti, efektivnosti sa preuzetim međunarodnim obavezama, strategijama državnog i FBiH nivoa, sa identificiranim potrebama kroz interventnu logiku, situacionu SSPP analizu, definirane ciljeve, prioritete i mjere strategije kao i sastanke i razgovore sa predstavnicima FGU kao nosiocima izrade SIPP FBiH.

Učešće FGU u pripremi ove evaluacije obuhvata tehničku i stručnu podršku u smislu osiguravanja pristupa dokumentima Nacrta SIPP FBiH i svim ostalim radnim dokumentima, koordinaciju i osiguravanje kontakata učesnika procesa i razmatranje preporuka evaluacije i izjašnjavanje po preporukama.

Glavni nalazi ex-ante evaluacije

- Nacrt SIPP FBiH je zadovoljio minimalnu strukturu strateških dokumenata propisanu Uredbom o izradi strateških dokumenata u FBiH.
- U procesu izrade Nacrta SIPP FBiH ispoštovan je otvoreni metod koordinacije, a naknadnom analizom je utvrđeno da je tokom procesa izrade Nacrta SIPP FBiH ostvareno prisustvo 66% učesnika muškog roda i 34% ženskog roda. Ispoštovan je princip horizontalne i vertikalne koordinacije, princip partnerstva te princip javnosti i transparentnosti. Uvažena je preporuka evaluatora da se prije upućivanja u zakonsku proceduru, SIPP FBiH dostavi na mišljenje institucionalnim mehanizmima za ravnopravnost spolova, u ovom slučaju Gender centru FBiH, u skladu sa čl. 24. stav 4. Zakona o ravnopravnosti spolova u BiH.
- Kod poziva za Javne konsultacije o strateškom dokumentu, SIPP FBiH, ispoštovan je rok od minimalno 30 dana za obavljanje procesa konsultacija.
- Nacrt SIPP FBiH sadrži stratešku platformu sa situacionom analizom, definiranom vizijom razvoja i jednim strateškim ciljem budućeg razvoja i poboljšanja IPP-a FBiH u skladu sa preporukom za sektorsku strategiju. Definisana je jedan indikator na nivou strateškog cilja sa utvrđenom polaznom

² Zakon o razvojnom planiranju i upravljanju razvojem u Federaciji BiH, Službene novine Federacije BiH broj 32/17, 28.04.2017. godine

³ Uredba o evaluaciji strateških dokumenata u Federaciji BiH, Službene novine Federacije BiH broj 74/19, 9.10.2019. godine i Uredba o dopuni Uredbe o evaluaciji strateških dokumenata u Federaciji BiH, Službene novine Federacije BiH broj 2/21, 13.01.2021. godine.

i ciljnom vrijednošću i sa definisanom metodologijom izračuna vrijednosti indikatora strateškog cilja.

- U Nacrtu SIPP FBiH definirano je pet strateških prioriteta i za svaki od prioriteta su određene mjere, ukupno 19 mjera za pet prioriteta. Mjere za realizaciju svakog od pet prioriteta su razrađene sa jasnom numeracijom i vezom sa relevantnim strateškim prioritetima.
- Strateški cilj u Nacrtu SIPP FBiH je jasno definiran kao i prioriteti sa oblastima djelovanja. Konstatuje se da postoji komplementarnost između postavljenog strateškog cilja i definiranih prioriteta te između mjera i definiranih prioriteta. Indikatori prioriteta su jasno postavljeni i mjerljivost indikatora nije upitna.
- Ispoštovana je faza usaglašavanja strateške platforme uz uvaženu preporuku evaluatora za jasnijim definisanjem poveznica Nacrta SIPP FBiH sa nacionalnim i nadnacionalnim strateškim dokumentima.
- Akcijski plan za Nacrt SIPP FBiH je pripremljen za planski period važenja strateškog dokumenta u skladu sa Uredbom o izradi strateških dokumenata u FBiH i sadrži minimalne elemente iz Uredbe o izradi strateških dokumenata u FBiH. Za svaku od mjera su detaljno razrađene aktivnosti čijom provedbom će se doprinijeti realizaciji svake od pet mjera – ukupno 31 aktivnost. Za svaku aktivnost je data veza jasne numeracije sa strateškim prioritetima i mjerama.
- Evidentirana je potreba dorade predmetnog strateškog dokumenta u smislu adekvatnije prezentacije poveznica ciljeva, prioriteta i mjera SIPP FBiH sa državnim, FBiH, EU i SDG prioritetima i ciljevima.
- Definirani su strateški projekti i udovoljeno je fazi izrade indikativnog finansijskog okvira za period važenja SIPP FBiH.
- Osigurana je konzistentnost finansijskog okvira sa ciljevima SIPP FBiH uz preporuku evaluatora o prikazu metodologije izračuna i alokacije finansijskih sredstava na pojedine strateške ciljeve, prioritete i mjere.
- U pripremi Nacrta SIPP FBiH je korištena SSPP/SWOT analiza kao alat za teoriju promjene koja je rezultirala matricom sa identifikacijom unutarnjim snagama i slabostima i vanjskim prilikama i prijetnjama na osnovu čega su definirane mjere. Generalno gledajući, iako teorija promjene ili interventna logika nije razvijena, može se očekivati doprinos prioriteta očekivanom cilju strategije.
- Kada je u pitanju sistem indikatora, evidentirana je potreba da se utvrde izvori za sve indikatore (izvori verifikacije) kako bi se utvrdila njihova dostupnost. Takođe, uvažene su primjedbe da se polazne i ciljne vrijednosti određenih indikatora mjera predefinišu i/ili jasnije utvrde kako bi se obezbijedila mjerljivost navedenih indikatora, što je u nekim slučajevima rezultiralo i samom promjenom pojedinih indikatora mjera. Iako generalno dobro identifikovani i sa mjerljivim vrijednostima, pojedini indikatori aktivnosti su zahtijevali dorade u smislu jasnije poveznice indikatora sa aktivnošću i/ili sa relevantnom mjerom. Detaljan pregled svih indikatora sa nalazima evaluatora i komentarima FGU je dat u prilogu ovog izvještaja.
- Evidentirana je potreba dorade strateškog dokumenta u dijelu koji se odnosi na praćenje i evaluaciju Strategije te da se jasnije definiše i sam proces izvještavanja kako bi se osiguralo pravovremeno dostavljanje informacija potrebnih za donošenje informiranih odluka na svim nivoima provedbe Strategije.
- Kroz ex-ante evaluaciju je uočena potreba da se, u dijelu koji se odnosi na praćenje i evaluaciju SIPP FBiH, unese posebna mjera koja bi osigurala uspostavu odgovarajućih tehničkih (baze podataka) i stručnih kapaciteta (treninzi za praćenje Strategije) kako bi se osigurao kvalitetan monitoring rezultata implementacije strategije. Takođe, predloženo je da se razradi način i metodologija praćenja i izvještavanja o provedbi strategije u smislu praćenja i izvještavanja o provedbi predviđenih aktivnosti kako bi se osigurala pravovremena identifikacija izazova u

provedbi i poduzele mjere za prevazilaženje te osigurala pravovremena informiranost donosilaca odluka.

- Kada je riječ o adekvatnosti pravnog okvira u okviru kojega su se morali kretati nosilac i ostali akteri izrade Strategije, FGU kao nosilac izrade SIPP FBiH nalazi pozitivnim uređenost oblasti strateškog i operativnog planiranja od strane zakonodavca čime se omogućava efikasnija koordinacija i transparentnost procesa planiranja, izrade i usvajanja strateških dokumenata. Kao negativna strana se uočava da usvojene Uredba o godišnjem i trogodišnjem planiranju FBiH, Uredba o izradi strateških dokumenata u FBiH te uredba koja regulira evaluaciju strateških dokumenata, koje iako oslonac nalaze u Zakonu i uređuju jednak proces, nisu nužno usklađene niti sadrže međusobne reference. Također, ističe se da se veliki akcenat u odredbama uredbi stavlja na formalno ispunjavanje određenih mehanizama koji nužno ne vode ka kvalitetu strateškog dokumenta ili nisu uopće primjenjivi na neke sektorske strategije koje su tehničke prirode.

4. NALAZI EX-ANTE EVALUACIJE

U ovom poglavlju dat je pregled evaluacijskih pitanja i korespondirajućih odgovora.

Prvo su prezentirana pitanja i odgovori koji se tiču principa i faza izrade SIPP FBiH (otvoreni metod koordinacije te principi horizontalne i vertikalne koordinacije, javnosti i transparentnosti).

Evaluacija podrazumijeva procjenu načina na koji su izabrani cilj, prioriteti i mjere te procjenu njihove usklađenosti sa ciljevima definiranima u horizontalnim strateškim dokumentima sa definiranom SSPP analizom što predstavlja vanjsku koherentnost ili usklađenost. Unutarnja koherentnost je odnos između sastavnih dijelova Strategije.

Interventna logika je također predmet evaluacije, a posebno iz perspektive usklađenosti mjera i prioriteta sa implementacijskim okvirom definiranim u uredbama za trogodišnje i godišnje planiranje i pripremu budžeta.

Okvir za strateško planiranje propisuje da se mjere, kao skupovi aktivnosti i projekata, transformiraju u programe u trogodišnjim i godišnjim planovima rada što nadalje predstavlja osnovu implementacije. Imajući to u vidu, u fokusu ove evaluacije će biti mjere i prioriteti i njihovi pripadajući indikatori, kao i aktivnosti i indikatori aktivnosti. Indikatori mjera i prioriteta su indikatori ishoda (outcome) u sistemu planiranja i sistemu izvještavanja i osnov su za praćenje rezultata implementacije. Predmet analize je također i ispunjenje obaveze postavljanja baznih i ciljnih vrijednosti za indikatore.

Ex-ante evaluacija daje procjenu konzistentnosti predviđenog indikativnog finansijskog okvira sa strane alokacije sredstava po različitim prioritetima i mjerama te procjenu dostupnosti sredstava za finansiranje predmetnog strateškog dokumenta.

Analiza strukturnog okvira SIPP FBiH i finansijske alokacije su također predmet evaluacije i trebaju biti konzistentne sa razvojnim izazovima definiranim u SSPP analizi.

I PRIPREMA STRATEGIJE: PRINCIPI IZRADE STRATEGIJE

Na osnovu člana (3) Uredbe o izradi strateških dokumenata u Federaciji Bosne i Hercegovine utvrđeno je da se u procesu izrade strateških dokumenata primjenjuju slijedeći principa razvojnog planiranja i upravljanja razvojem:

- a) otvoreni metod koordinacije;
- b) ravnopravnost spolova i jednake mogućnosti za sve građane Federacije;
- c) horizontalna i vertikalna koordinacija svih nivoa vlasti u Federaciji;
- d) partnerstvo;
- e) javnost i transparentnost.

EP I.1 Da li je ispoštovan otvoreni metod koordinacije?

Nalazi i preporuke:

Prema članu 4. Uredbe o izradi strateških dokumenata u FBiH, otvoreni metod koordinacije podrazumijeva provođenje konsultacija i usaglašavanja svih nivoa vlasti u FBiH te drugih interesnih strana sa ciljem zajedničkog definisanja razvojnih pravaca strateških dokumenata u FBiH. Otvoreni metod koordinacije primjenjuje se i kroz savjetodavnu ulogu Vijeća za razvojno planiranje i upravljanje razvojem Federacije iz čl. 11. i 12. Zakona o razvojnom planiranju i upravljanju razvijem u FBiH i vijeća za razvojno planiranje i upravljanje razvojem u kantonu iz čl. 13. i 14. istoimenog Zakona.

U cilju što dosljednije primjene OMK-e, FGU je u procesu planiranja i izrade SIPP FBiH poduzela slijedeće aktivnosti:

- u novembru 2022. godine FGU je tokom konferencije 3. Dani Infrastrukture prostornih podataka Federacije BiH sa međunarodnim učešćem, koja je održana u Neumu, organizirala tematsku prezentaciju u okviru sesije br. 1 o procesu izrade SIPP FBiH sa diskusijom u cilju konsultacija sa predstavnicima svih nivoa vlasti u FBiH i drugih interesnih strana iz privatnog i akademskog sektora. Konferenciji je prisustvovalo ukupno 70 učesnika. URL: <https://ippfbih.gov.ba/dani-ipp/?lang=hr>;
- 17.11.2022. godine, tokom 32. sjednice Vijeća IPP FBiH članovima Vijeća IPP FBiH je prezentirana Informacija o izradi ažuriranog strateškog dokumenta SIPP FBiH: Nacrt Analize početnog stanja;
- u decembru 2022. godine FGU je organizirala Javne konsultacije, Studija početnog stanja u okviru procesa izrade SIPP FBiH. Poziv za prisustvo Javnim konsultacijama uz dostavljanje nacrt dokumenta je upućen u ukupno 143 identificirane zainteresirane strane - 113 institucija različitih nivoa vlasti u FBiH, 5 subjekata sektora javnih poduzeća i 25 subjekata akademske zajednice. URL: <https://ippfbih.gov.ba/javne-konsultacije/?lang=hr>;
- 22.02.2023. godine, tokom 33. sjednice Vijeća IPP FBiH, prezentiran je i razmatran nacrt dokumenta SIPP FBiH 2023.-2027. od strane Vijeća IPP FBiH;
- 25.04.2023. godine, tokom 34. sjednice Vijeća IPP FBiH, prezentiran je i razmatran doradeni nacrt dokumenta SIPP FBiH 2023.-2027. od strane Vijeća IPP FBiH;
- u maju 2023. godine, u okviru Geospatial World Forum (GWF), predstavnik FGU je održao prezentaciju o izradi nove Strategije za Infrastrukturu prostornih podataka FBiH. URL: <https://www.fgu.com.ba/hr/novosti-pregled/odrzan-geospatial-world-forum-2023-u-rotterdamu-nizozemska.html>;
- u aprilu 2023. godine, u okviru međunarodne radionice Svjetske banke na temu „Uloga geoprostornih podataka u podršci prilagodbi klimatskim promjenama i upravljanju rizicima od katastrofa“, predstavnik FGU je održao prezentaciju o izradi nove Strategije za Infrastrukturu prostornih podataka Federacije Bosne i Hercegovine. URL: <https://www.fgu.com.ba/bs/novosti-pregled/odrzana-radionica-svjetske-banke-u-becu-austrija.html>;
- u aprilu 2023. godine, sukladno obavezama datim Uredbom o izradi strateških dokumenata u FBiH, FGU je organizirala Javne konsultacije, Strategija infrastrukture prostornih podataka Federacije BiH. Poziv za prisustvo Javnim konsultacijama uz dostavljanje nacrt dokumenta dostavljen je u ukupno 143 identificirane zainteresirane strane - 113 institucija različitih nivoa vlasti u FBiH, 5 subjekata sektora javnih poduzeća i 25 subjekata akademske zajednice;
- 18.05.2023. godine, sukladno obavezama datim Uredbom o izradi strateških dokumenata u FBiH, FGU je organizirala javnu prezentaciju Strategije infrastrukture prostornih podataka Federacije BiH. Poziv za prisustvo Javnim konsultacijama uz dostavljanje nacrt dokumenta dostavljen je u ukupno 143 identificirane zainteresirane strane - 113 institucija različitih nivoa vlasti u FBiH, 5 subjekata sektora javnih poduzeća i 25 subjekata akademske zajednice. Javnoj prezentaciji su prisustvovali predstavnici sedam tijela javne vlasti Federalnog i kantonalnog nivoa. URL: <https://ippfbih.gov.ba/javne-konsultacije-strategija/?lang=hr>.

Sukladno navedenom, konstatuje se da je u pripremi Nacrta SIPP FBiH ispoštovan otvoreni metod koordinacije.

Komentar FGU:

Federalna uprava za geodetske i imovinsko-pravne poslove se slaže sa nalazom evaluatora. Tokom procesa izrade SIPP FBiH, imajući u vidu odredbe člana 4. ali i drugih odredbi Uredbe o izradi strateških dokumenata u FBiH kao i opće važnosti OMK i provođenja konsultacija i usaglašavanja svih nivoa vlasti u Federaciji i drugih interesnih strana, kreirana je kontakt lista od 143 identificirane zainteresirane strane (broj institucija različitih razina vlasti od Federalne do lokalne razine: 113, broj subjekata sektora javnih poduzeća: 5, broj subjekata akademske zajednice: 25) u nastojanju da kao odgovorni organ pokušamo animirati što veći broj subjekata.

Ističemo da je bila očekivana veća angažiranost akademskog i privatnog sektora koja je izostala i nakon većeg broja kontaktiranja kroz više kanala komunikacije (javni pozivi, email prepiske, učešće u anketnom istraživanju i slično).

Zaključna ocjena:

Konstatuje se da je u pripremi Nacrta SIPP FBiH ispoštovan otvoreni metod koordinacije.

EP I.2 Kako je ispoštovan princip ravnopravnosti spolova i jednakih mogućnosti?

Nalazi i preporuke:

Prema članu 5. stav (2) Uredbe o izradi strateških dokumenata u FBiH, ravnopravnost spolova podrazumijeva ravnopravno učešće i zastupljenost interesa muškaraca i žena u procesima izrade strateških dokumenata i definisanja strateških ciljeva, prioriteta i mjera, radi osiguravanja uravnoteženih razvojnih efekata, uz stvaranje jednakih mogućnosti za sve, a posebno socijalno ugroženih grupa građana. Nositelj izrade strateškog dokumenta osigurava ravnopravnu zastupljenost oba spola u predviđenim procesima i to minimalno 40% predstavnika manje zastupljenog spola. Princip jednakih mogućnosti za sve građane naročito se ostvaruje putem ne/posrednog uključivanja socijalno ugroženih grupa građana u aktivnostima radnih tijela osnovanih za potrebe izrade strateških dokumenata.

Konstatuje se da podaci dostavljeni od strane FGU, konkretnije liste učesnika i zvanica, nisu razvrstani po spolu.

Preporuka je prije upućivanja u zakonsku proceduru, u skladu sa čl. 24. stav (4) Zakona o ravnopravnosti spolova u BiH, dostaviti SIPP FBiH na mišljenje institucionalnim mehanizmima za ravnopravnost spolova, u ovom slučaju Gender centru FBiH.

Komentar FGU:

Federalna uprava za geodetske i imovinsko-pravne poslove se slaže sa nalazom evaluatora. Ističemo da su pozivi upućivani institucijama kao identificiranim potencijalnim subjektima IPP FBiH, stoga nije bilo moguće u procesu izrade SIPP FBiH unaprijed osigurati ravnopravnu zastupljenost oba spola u predviđenim procesima i to minimalno 40% predstavnika manje zastupljenog spola.

U potpunosti prihvatamo primjedbu vezanu za liste učesnika i zvanica, te je na osnovu iste izvršena dodatna analiza i dorada kako bi se osigurala fer i objektivna statistika razvrstana po spolu, te kao takva uključila u prateće materijale predmetnog procesa. Ističemo da je statistička analiza ukazala da je tokom događaja vezanih za proces izrade SIPP FBiH ukupan procenat ostvarenog prisustva u omjeru 66% učesnika muškog roda, nasuprot 34% ženskog roda.

U skladu sa preporukom evaluatora, Federalna uprava za geodetske i imovinsko-pravne poslove će Nacrt SIPP FBiH dostaviti na mišljenje Gender centru FBiH prije upućivanja u zakonsku proceduru.

Obzirom na navedeno, predlažemo da se komentar Federalne uprave za geodetske i imovinsko-pravne poslove prihvati.

Zaključna ocjena:

Komentar FGU se prihvata. Statistička analiza potvrđuje da je tokom događaja vezanih za proces izrade Nacrta SIPP FBiH ostvareno prisustvo 66% učesnika muškog roda i 34% ženskog roda. Na osnovu podataka dostavljenih od strane FGU, konkretnije listi učesnika i zvanica, analiza je osigurala statistiku razvrstanu po spolu koja će biti uključena u SIPP FBiH. Nacrt SIPP FBiH će, prije upućivanja u zakonsku proceduru, biti dostavljen na mišljenje Gender centru FBiH.

EP I.3 Da li ispoštovan princip horizontalne i vertikalne koordinacije?

Nalazi i preporuke:

Uredbom o izradi strateških dokumenata u FBiH, član 6, definisano je da horizontalna koordinacija podrazumijeva koordinirano postupanje u procesu izrade strateških dokumenata na istom nivou vlasti u FBiH, kantonima i jedinicama lokalne samouprave, radi ostvarenja zajedničkih razvojnih ciljeva, dok vertikalna koordinacija podrazumijeva ujednačeno i koordinirano postupanje u procesima izrade i usklađivanja strateških dokumenata na različitim nivoima vlasti u FBiH, radi osiguravanja zajedničkih razvojnih pravaca, te usklađenost sa relevantnim strateškim dokumentima Bosne i Hercegovine, relevantnim dokumentima iz procesa evropskih integracija i međunarodno prihvaćenim globalnim ciljevima održivog razvoja. U proces izrade strateških dokumenata za nivo FBiH obavezno je uključivanje kantona, te jedinica lokalne samouprave putem Saveza općina i gradova Federacije Bosne i Hercegovine, posebno u fazama definisanja strateških ciljeva, prioriteta i mjera, kako bi se reflektovale razvojne potrebe svih nivoa vlasti u FBiH.

U Nacrtu SIPP FBiH je navedno da će u procesu izrade predmetnog strateškog dokumenta biti primjenjivani principi razvojnog planiranja i upravljanja razvojem na osnovu Zakona o razvojnog planiranju i upravljanju razvojem u FBiH, dok će vertikalna i horizontalna koordinacija biti provođena u skladu sa Uredbom o izradi strateških dokumenata u FBiH.

Na osnovu podataka dostavljenih od strane FGU, a u kontekstu horizontalne i vertikalne koordinacije, konstatuje se da je u procesu planiranja i izrade Nacrta SIPP FBiH, temeljem kreirane liste identificiranih zainteresiranih strana, bilo kontaktirano 113 institucija federalnog, kantonalnog ili lokalnog nivoa vlasti, pet subjekata iz sektora javnih poduzeća i 25 subjekata akademske zajednice.

Konstatuje se da je u pripremi Nacrta SIPP FBiH ispoštovan princip horizontalne i vertikalne koordinacije.

Komentar FGU:

Slažemo se sa nalazom evaluatora.

Zaključna ocjena:

Konstatuje se da je u pripremi Nacrta SIPP FBiH ispoštovan princip horizontalne i vertikalne koordinacije.

EP I.4 Kako je ispoštovan princip partnerstva?

Nalazi i preporuke:

Uredbom o izradi strateških dokumenata u FBiH, član 7, partnerstvo podrazumijeva saradnju svih nivoa vlasti u FBiH, kao i saradnju sa socio-ekonomskim partnerima u procesu izrade strateških dokumenata. Partnerstvo se osigurava kroz zastupljenost i ravnopravnost partnera u procesu izrade strateških dokumenata u FBiH, a realizuje kroz rad savjetodavnih tijela partnerstva, kroz učešće u aktivnostima radnih tijela osnovanih za potrebe izrade strateških dokumenata, kao i kroz druge oblike partnerskih konsultacija uključujući tematske sastanke, elektronske konsultacije, javne rasprave i razmjenu informacija. Zakonom, tačnije članom 10. stav (3) jasno je propisano da u procesima koordinacije razvojnog planiranja i upravljanja razvojem sa višim razinama vlasti jedinice lokalne samouprave izražavaju i zastupaju svoje interese putem Saveza općina i gradova.

U ovom kontekstu, a temeljem podataka dostavljenih od FGU i uvida u javno dostupne informacije, učešće u različitim fazama planiranja i izrade Nacrta SIPP FBiH su uzele institucije Federalnog i nižih nivoa vlasti koristeći neki od oblika oblika partnerskih konsultacija, kao što su tematski sastanci,

tematske prezentacije, diskusije, javne rasprave, elektronske konsultacije i razmjena dokumenata i informacija.

Konstatuje se da je tokom izrade Nacrta SIPP FBiH ispoštovan princip partnerstva.

Komentar FGU:

Prihvata se nalaz evaluatora. Ističe se da je FGU tokom procesa izrade SIPP FBiH prepoznala važnost provedbe odredbi člana 7. ali i drugih odredbi Uredbe o izradi strateških dokumenata u FBiH ali i opće važnosti partnerstva, horizontalne i vertikalne koordinacije, javnosti, transparentnosti i otvorenog metoda koordinacije te je na samom početku kreirana kontakt lista od 143 identificirane zainteresirane strane i partnera te se kroz različite oblike partnerskih konsultacija nastojalo uključiti što veći broj institucija i partnera u proces izrade SIPP FBiH.

Zaključna ocjena:

Komentar se prihvata, konstatuje se da je u pripremi Nacrta SIPP FBiH ispoštovan princip partnerstva.

EP I.5 Da li je ispoštovan princip javnosti i transparentnosti?

Nalazi i preporuke:

Čl. 15. stav (4) Zakona o razvojnom planiranju i upravljanju razvojem u FBiH propisuje da svi usvojeni i važeći strateški dokumenti moraju biti dostupni javnosti i objavljeni na internet stranicama nadležnih institucija. Uredbom o izradi strateških dokumenata u FBiH, član 8, javnost i transparentnost podrazumijevaju kontinuirano informisanje javnosti o procesu izrade strateških dokumenata kao i javno djelovanje nosioca izrade strateških dokumenata koje karakterizira otvorenost i spremnost da se podaci o procesu izrade strateških dokumenata učine dostupnim široj zajednici, kao i podaci koji proizilaze iz procesa. Javnost i transparentnost se ostvaruju redovnim objavljivanjem informacija na web stranici nosioca izrade strateških dokumenata, javnim saopćenjima, te korištenjem drugih odgovarajućih instrumenata razmjene informacija u procesu izrade strateških dokumenata u FBiH.

Na osnovu ustupljenih podataka od strane FGU, zaključuje se da je proces izrade Nacrta SIPP FBiH udovoljio principu javnosti i transparentnosti, u smislu da je javnost informisana o Odluci Vlade FBiH o izradi SIPP FBiH uz objašnjenje značaja navedenog dokumenta, informacije o procesu izrade i sami dokumenti tokom izrade SIPP FBiH su objavljeni na web stranici FGU i IPP FBiH. Tokom konferencije 3. Dani Infrastrukture prostornih podataka Federacije BiH sa međunarodnim učešćem organizirana je tematska prezentacija o procesu izrade SIPP FBiH, a predstavnici FGU su održali više prezentacija i konsultacija na različitim radionicama u FBiH o procesu izrade SIPP FBiH.

Poduzeti su sljedeći načini komunikacije sa javnosti:

- Objavljena informacija o Odluci Vlade Federacije BiH o pokretanju procesa izrade dokumenta Strategija infrastrukture prostornih podataka (IPP) FBiH za period od 2023. do 2027. godine (web stranica Vlade Federacije BiH, 14.07.2022. godine, <https://fbihvlada.gov.ba/bs/pocinje-izrada-strategije-infrastrukture-prostornih-podataka-fbih-za-period-2023-2027-godina>)
- Objavljena medijska informacija o pokretanju procesa izrade Strategija infrastrukture prostornih podataka (IPP) FBiH za period od 2023. do 2027. godine (web portal „Dnevni Avaz“, 14.07.2022. godine, <https://avaz.ba/vijesti/bih/757784/pocinje-izrada-strategije-infrastrukture-prostornih-podataka-fbih-za-period-2023-2027-godina>)
- Objavljena Studija početnog stanja (Situaciona analiza)-Strategija infrastrukture prostornih podataka Federacije BiH sa pozivom za Javne konsultacije (web stranica IPP-a, 28.11.2022. godine, <https://ippfbih.gov.ba/javne-konsultacije/>)

-
- Objavljen dokument Strateške platforma-Strategija infrastrukture prostornih podataka Federacije BiH sa pozivom za Javne konsultacije (web stranica IPP-a, 18.04.2022. godine, <https://ippfbih.gov.ba/javne-konsultacije-strategija/?lang=hr>)
 - Javno prezentiran dokument Strategije infrastrukture prostornih podataka Federacije BiH. Poziv za prisustvo Javnim konsultacijama uz dostavljanje nacrtu dokumenta je dostavljen u ukupno 143 identificirane zainteresirane strane (broj institucija različitih nivoa vlasti u FBiH: 113, broj subjekata sektora javnih poduzeća: 5, broj subjekata akademske zajednice: 25).

Konstatuje se da je ispoštovan princip javnosti i transparentnosti, uz preporuku da se u komunikaciji sa javnošću koriste i drugi načini komunikacije, osim komunikacije putem web stranica, kako bi se javnost dodatno informisala i uputila na mjesto gdje se mogu dobiti detaljnije informacije te na taj način podaci o procesu izrade kao i podaci koji proizilaze iz procesa izrade strateških dokumenata učinili dostupnim široj zajednici.

Komentar FGU:

Federalna uprava za geodetske i imovinsko-pravne poslove se slaže sa nalazom evaluatora.

Ističemo da je poziv svim relevantnim institucijama (identificirana lista zainteresiranih strana i partnera) pored web stranice upućen i direktno uz dostavljanje dokumenta SIPP FBiH kako bi isti dali svoj doprinos finaliziranoj verziji strateškog dokumenta.

U potpunosti prihvatamo primjedbu da se ubuduće u komunikaciji sa javnošću koriste i drugi načini osim komunikacije putem web stranica kako bi se javnost dodatno informisala i uputila na mjesto gdje se mogu dobiti detaljnije informacije.

Obzirom na navedeno, predlažemo da se komentar Federalne uprava za geodetske i imovinsko-pravne poslove prihvati.

Zaključna ocjena:

Komentar se prihvata. Konstatuje se da je ispoštovan princip javnosti i transparentnosti.

II PRIPREMA STRATEGIJE: FAZE IZRADE STRATEGIJE

EP II.1 Da li je izrada strateške platforme u skladu s pravnim okvirom (strateška platforma i situaciona analiza uključuju podatke minimalno za tri godine, podaci razvrstani po spolu, starosnoj strukturi, sa posebnim osvrtom na socijalno ugrožene, vizija proizilazi iz zaključaka situacione analize, strateški cilj u skladu sa vizijom i SWOT analizom?

Nalazi i preporuke:

Članom 11 Uredbe o izradi strateških dokumenata u Federaciji BiH je propisano da se strateška platforma izrađuje za svaki strateški dokument i da se, minimalno, sastoji od: situacione analize, uključujući i osvrt na stanje i usklađenost prostorno-planske dokumentacije, vizije razvoja i strateških ciljeva sa indikatorima. Stavom (4) pomenutog člana navedeno je da se izrada situacione analize vrši prikupljanjem, obradom i analizom podataka minimalno za tri godine, pri čemu se podaci koji se odnose na žene i muškarce razvrstavaju prema spolu i starosnoj strukturi, sa posebnim osvrtom na socijalno ugrožene kategorije stanovništva. Nasilac izrade strateških dokumenata priprema sažetak iz situacione analize koji je sastavni dio strateških dokumenata.

Nacrt SIPP FBiH sadrži stratešku platformu sa izvodom iz Studije početnog stanja, definisanom vizijom razvoja i jednim strateškim ciljem budućeg razvoja i poboljšanja IPP-a FBiH sa jednim indikatorom sa definisanom polaznom i ciljnom vrijednošću i sa definisanom metodologijom izračuna vrijednosti

indikatora strateškog cilja koristeći IGIF indikatore. Kako je član 11 stav (8) navedene Uredbe normirao da je za svaki strateški cilj nužno postojanje ne više od tri indikatora koji sadrže polazne i ciljne vrijednosti konstatuje se da je ovoj odredbi udovoljeno.

Također, identifikovano je pet prioriteta sa indikatorima sa definisanim polaznim i ciljnim vrijednostima i metodologijom izračuna vrijednosti indikatora za svaki od pet prioriteta. Zaključuje se da su ispoštovane odredbe Uredbe o izradi strateških dokumenata u FBiH koje se odnose na broj strateških ciljeva i indikatore. Za svaki od pet prioriteta su definisane mjere, ukupno 19 mjera, sa indikatorima za realizaciju mjera od kojih je za neke potrebno jasnije definisati početne i ciljne vrijednosti kako bi se omogućilo vrednovanje i praćenje. Za sve indikatore je konstatovana potreba definisanja izvora podataka.

Konstatuje se da, u skladu sa dobrom praksom, u dokumentu Akcijski plan je dat prikaz aktivnosti i poveznice sa prioritetima i mjerama, razrađeni su indikatori praćenja sa polaznim i ciljnim vrijednostima po kalendarskim godinama, kao i veze sa strateškom projektima, nosioci realizacije, ukupni i godišnji budžeti i očekivani izvori finansiranja. Zaključuje se da ovakav pristup razradi značajno doprinosi monitoringu i efikasnijoj primjeni SIPP FBiH u procesu trogodišnjeg i godišnjeg planiranja FGU prema važećoj Uredbi Vlade Federacije BiH.⁴

Iako je *Studija početnog stanja* data u prilogu dokumenta *Strategija IPP-a za period 2023.-2027. godina*, preporuka je u ovaj dokument uključiti dodatne informacije iz *Studije početnog stanja*, prvenstveno značaj infrastrukture prostornih podataka u Federaciji BiH za ostvarenje strateških ciljeva Strategije razvoja Federacije BiH 2021.-2027. godine i Strategije razvoja FGU 2021.-2027. godina.

U uvodu Studije početnog stanja je navedeno da Studija obuhvata analizu stanja za razdoblje od usvajanja prethodne strategije 2016. godine do 2022. godine, te da su analizom utvrđena razvojna obilježja, problemi i potencijali iz područja IPP-a FBiH s ciljem sagledavanja stanja i dinamike promjena, razine ujednačenosti teritorijalnog/sektorskog razvoja na razini FBiH, usporedbe stanja u FBiH sa Europskom unijom te utvrđivanja drugih obilježja relevantnih za daljnji razvoj IPP-a.

Nije vidljivo da je tokom izrade situacione analize zadovoljen zahtjev da se obuhvati period od minimalno tri godine (tabele sa pregledima po godinama u prethodnom periodu) niti je udovoljeno zahtjevu o razvrstavanju podataka prema spolu i starosnoj strukturi sa osvrtom na socijalno ugrožene kategorije stanovništva. U tom smislu, tamo gdje je to moguće, valjalo bi razvrstati podatke u situacionoj analizi koji se odnose na muškarce i žene prema spolu i starosnoj strukturi, uz poseban osvrt na socijalno ugrožene kategorije stanovništva.

Takođe, potrebno je vidljivijim učiniti usporedbu stanja u FBiH sa Europskom unijom, BiH, državama u okruženju.

Komentar FGU:

Federalna uprava za geodetske i imovinsko-pravne poslove se u najvećoj mjeri slaže sa nalazom evaluatora i smatra da je izrada strateške platforme u skladu s pravnim okvirom.

Prihvata se preporuka da se u dokument *Strategija IPP-a za period 2023.-2027. godina* uključe dodatne informacije iz *Studije početnog stanja*, a koje se odnose na značaj infrastrukture prostornih podataka u Federaciji BiH za ostvarenje strateških ciljeva Strategije razvoja Federacije BiH 2021.-2027. godine i Strategije razvoja FGU 2021.-2027. godina.

Federalna uprava za geodetske i imovinsko-pravne poslove ističe da je metodologijom izrade Studije početnog stanja (Poglavlje 2. Metodologija i integrirani okvir za geoprostorne informacije (IGIF)) vršeno prikupljanje, proučavanje i analiza svih postojećih izvora. To su prije svega bili postojeći propisi, prethodna Strategija IPP-a i svi ostali relevantni dokumenti IPP-a. Uzeti su u obzir svi propisi

⁴ Uredba o trogodišnjem i godišnjem planiranju rada, monitoringu i izvještavanju u Federaciji Bosne i Hercegovine, SN Federacije BiH broj 74, 9.10.2019. godine

i dokumenti u zadnjih šest godina, odnosno od donošenja prethodne Strategije IPP-a iz 2016. godine. Dokumenti i materijali su detaljno prikupljeni, obrađeni i analizirani. Također su detaljno pregledani i analizirani online izvori (Web stranica IPP-a FBiH te Geoportal). Prihvatamo primjedbe evaluatora da to nije jasno vidljivo i naglašeno u svim slučajevima analize da se podaci odnose na period od minimalno tri godine, međutim nadležni organ je mišljenja da je opisom metodologije dato dovoljno informacija te da se dokument Studija početnog stanja odnosi na referentni vremenski period duži od tri godine. Prethodnom Strategijom IPP-a iz 2016. godine stvorene su osnovne pretpostavke za početak organizacije i funkcioniranje IPP u FBiH, međutim nisu razrađeni posebni mehanizmi praćenja napretka realizacije predmetne strategije, stoga se analize i podaci svih dostupnih materijala koje je obuhvatila metodologija nisu mogli podijeliti pojedinačno po godinama.

Podatke u situacionoj analizi nije bilo moguće razvrstati na muškarce i žene, prema spolu i starosnoj strukturi uz poseban osvrt na socijalno ugrožene kategorije stanovništva, kako nije primjenjivo u ovom slučaju.

Posebna usporedba stanja u FBiH sa Europskom unijom, BiH, državama u okruženju nije pripremana kako su obaveze iz INSPIRE direktive zemlje članice bile u obavezi ispuniti do kraja 2021. godine, dok su zemlje iz okruženja u različitim stadijima preuzimanja INSPIRE direktive u domaće propise.

Obzirom na navedeno, predlažemo da se komentar Federalne uprave za geodetske i imovinsko-pravne poslove prihvati.

Zaključna ocjena:

Komentar se prihvata.

EP II.2 Da li je i kako je proveden proces konsultacija?

Nalazi i preporuke:

Za proces konsultacija relevantna je Uredba o pravilima za učešće zainteresirane javnosti u postupku pripreme federalnih pravnih propisa i drugih akata i član 17. Uredbe o izradi strateških dokumenata u FBiH u kojem je navedeno da proces konsultacija započinje objavom na web stranici nosioca izrade strateških dokumenata, dostavljanjem nadležnim institucijama na nižim, istim i višim nivoima vlasti relevantnim za strateške dokumente, organiziranjem javnih prezentacija, prikupljanjem, razmatranjem prijedloga i sugestija te da konsultacije traju minimalno 30 dana.

Takođe, temeljem Uredbe o pravilima za učešće zainteresirane javnosti u postupku pripreme federalnih pravnih propisa i drugih akata⁵ i temeljem člana 11, stav (9) Uredbe o izradi strateških dokumenata u FBiH predviđeno je obavljanje konsultacija o strateškoj platformi koje treba da traju minimalno 30 dana, a vrše se njenom objavom na web stranici nosioca izrade strateških dokumenata, dostavljanjem strateške platforme nadležnim institucijama na nižim, istim i višim nivoima vlasti relevantnim za strateške dokumente, organiziranjem javnih prezentacija, prikupljanjem i razmatranjem prijedloga i sugestija.

U cilju poštivanja navedenih uredbi u izradi SIPP FBiH su poduzete sljedeće aktivnosti:

- Objavljen je poziv za Javne konsultacije, Studija početnog stanja (Situaciona analiza)-Strategija infrastrukture prostornih podataka FBiH i poziv za javnu raspravu (web stranica IPP-a, 28.11.2022. godine, <https://ippfbih.gov.ba/javne-konsultacije/>)
- Održana je javna rasprava u cilju pribavljanja mišljenja i komentara na nacrt Studije početnog stanja (prostorijske FGU, 5.12.2022. godine i online URL: [Javne konsultacije za prijavu prisustva](#))

⁵ Uredba o pravilima za učešće zainteresirane javnosti u postupku pripreme federalnih pravnih propisa i drugih akata, Službene novine FBiH broj: 51/12

- Objavljen je dokument Strategija infrastrukture prostornih podataka FBiH sa pozivom za Javne konsultacije (web stranica IPP-a, 18.04.2022. godine, <https://ippfbih.gov.ba/javne-konsultacije-strategija/?lang=hr>)
- Objavljen je poziv za Javne konsultacije i poziv za javnu raspravu u cilju pribavljanja mišljenja i komentara na nacrt dokumenta Strategija IPP FBiH za period 2023.-2027. godine sa ciljem pribavljanja dodatnih informacija od zainteresiranih strana i osiguranjem horizontalne i vertikalne koordinacije u procesu izrade strateških dokumenata, ostvarivanja partnerstva, te u cilju javnosti i transparentnosti tokom izrade strateškog dokumenta (18.04.2023. godine, web stranica IPP-a, <https://ippfbih.gov.ba/javne-konsultacije-strategija/>, 19.04.2023. web stranica Federalno ministarstvo prostornog uređenja <https://fmpu.gov.ba/strategija-ipp-fbih-2023-2027/>)
- Održana je javna rasprava u cilju pribavljanja mišljenja i komentara na nacrt Strategije IPP FBiH za period 2023.-2027. godine (prostorije FGU, 18.05.2023. godine i online).

Poziv za Javne konsultacije, Studija početnog stanja (Situaciona analiza) - Strategija infrastrukture prostornih podataka Federacije BiH i poziv za javnu raspravu je objavljen na web stranici IPP-a, 28.11.2022. godine (<https://ippfbih.gov.ba/javne-konsultacije/>). Na osnovu dostavljenih podataka od strane FGU, javne konzultacije za Studiju početnog stanja održane su online dana 05.12.2022.godine. Rok za obavljanje procesa konsultacija je bio kraći od minimalno 30 dana. Konzultacije su organizirane od strane Koordinacijskog tijela (Radne grupe). Kako se nitko od subjekata IPP-a nije uključio u konzultacije, zaključeno je kako nema više primjedbi na dostavljenu verziju Studije.

Studija početnog stanja također je prezentirana sudionicima u sklopu konferencije "3. Dani Infrastrukture prostornih podataka Federacije Bosne i Hercegovine" u Neumu, 17.11.2022. godine. Konstatovano je da je prezentacija jako dobro primljena od strane svih sudionika konferencije. Tokom rasprave nije zabilježeno značajnijih primjedbi niti komentara koji bi zahtijevali izmjene u pripremljenom dokumentu.

Kod Poziva za Javne konsultacije o strateškom dokumentu, Strategija IPP FBiH za period 2023.-2027. koji je objavljen 18.04.2023. godine je ispoštovan rok od minimalno 30 dana za obavljanje procesa konsultacija.

Zvanični dopis-poziv za prisustvo Javnim konsultacijama, uz dostavljanje nacrta dokumenta, je upućen na adrese 143 identificirane zainteresirane strane. Javnoj prezentaciji su prisustvovali predstavnici iz ukupno sedam institucija sa nivoa FBiH i kantona, od čega tri muškarca i četiri žene.

U proces konsultacija uključuju se nadležne institucije kao formalni akteri, pojedinci-građani, interesne grupe, NVO, univerziteti i drugi neformalni akteri. Konstatuje se da je, na osnovu dostavljenih podataka od strane FGU, strateška platforma dostavljena nadležnim institucijama na nižim, istim i višim nivoima vlasti relevantnim za strateške dokumente, organizirane su javne prezentacije.

Komentar FGU:

Federalna uprava za geodetske i imovinsko-pravne poslove se slaže sa nalazom evaluatora.

Kao koordinaciono tijelo infrastrukture prostornih podataka FBiH i odgovorna institucija za izradu Strategije infrastrukture prostornih podataka FBiH izvršili smo javne konsultacije o strateškom dokumentu u sklopu izrade Strategije infrastrukture prostornih podataka Federacije BiH 2023. – 2027. kako je evaluator i dokumentovao.

Javne konsultacije provedene su sukladno principima definiranim Uredbom o izradi strateških dokumenata u FBiH, te sukladno Projektnom zadatku za izradu Strategije infrastrukture prostornih podataka FBiH, a sve u cilju pribavljanja dodatnih informacija od zainteresiranih strana, s ciljem osiguranja horizontalne i vertikalne koordinacije u procesu izrade strateških dokumenata, ostvarivanja partnerstva, te u cilju javnosti i transparentnosti tokom izrade strateškog dokumenta.

Zaključna ocjena:

Komentar se prihvata.

EP II.3 Da li je ispoštovana faza usaglašavanja strateške platforme? Da li je izvršena adekvatna provjera usklađenosti strateških dokumenata u FBiH?

Nalazi i preporuke:

U skladu sa članom 28. Zakona o razvojnom planiranju i upravljanju razvojem u FBiH, sektorske strategije FBiH se izrađuju na osnovu Strategije razvoja FBiH. Sukladno članu 16. Uredbe o izradi strateških dokumenata u FBiH, provjera međusobne usklađenosti strateških dokumenata u FBiH podrazumijeva usaglašavanje, obezbjeđivanje komplementarnosti razvojnih pravaca i strateških ciljeva sa strateškim ciljevima strateških dokumenata istog ili višeg nivoa vlasti u FBiH, strateškim dokumentima proizašlim iz procesa evropskih integracija i međunarodno prihvaćenim globalnim ciljevima održivog razvoja. Međusobna usklađenost strateških dokumenata u FBiH, kantonima i jedinicama lokalne samouprave osigurava se provjerom usklađenosti razvojnih pravaca i strateških ciljeva Strategije razvoja FBiH, strategije razvoja kantona i strategije razvoja jedinica lokalne samouprave, kao i usklađenost Strategije razvoja FBiH i strategije razvoja kantona sa strateškim pravcima i strateškim ciljevima sektorskih strategija na istom nivou.

Provjeru međusobne usklađenosti strateških dokumenata za FBiH vrši Federalni zavod, a za kantone i jedinice lokalne samouprave tijela nadležna za poslove razvojnog planiranja i upravljanja razvojem u kantonima. Korištenjem rezultata provjere Vijeće Federacije razmatra i daju preporuke za nivo FBiH. Aktom FGU broj: Broj: 01-11-12-1118/22 od 12.12.2022. godine Federalni zavod je pozvan da podrži izradu SIPP FBiH te da i u ovom procesu vrši provjeru međusobne usklađenosti strateških dokumenata u FBiH. Struktura sektorskog strateškog dokumenta je usaglašena sa mišljenjima i sugesijama imenovane kontakt osobe u Federalnom zavodu.

U SIPP FBiH je navedno da pored koordinacije i usuglašavanja razvojnih prioriteta i politika u FBiH, SIPP FBiH istovremeno odražava prioritete Bosne i Hercegovine utvrđene u procesu evropskih integracija (Ekonomski investicijski plan za Zapadni Balkan, Zelena agenda za zapadni Balkan, EU digitalna strategija), kao i globalno prihvaćene ciljeve održivog razvoja (SDG).

Prilikom pripreme SIPP FBiH, kao dio Strateške platforme uzeta je u obzir Strategija razvoja FBiH za period 2021–2027. godine, uz konstataciju da je implementacija IPP-a u FBiH od iznimne važnosti za ostvarenje strateškog cilja broj 3. Strategije razvoja FBiH 2021-2027 koji podrazumijeva resursno efikasan i održiv razvoj. Nažalost, konstatuje se da Strategija razvoja FBiH 2021-2027 trenutno ne sadrži eksplicitnu poveznicu s IPP-om kao niti odgovarajuće mjere koje bi to podržale.

Poveznica SIPP FBiH sa Ciljevima održivog razvoja Ujedinjenih naroda (SDGs) i obavezama proizašlim iz procesa evropskih integracija je navedena posredno preko Strategije razvoja FBiH, a kao poveznica IPP sa ciljevima održivog razvoja navedena je Aktivnost 1.5.4.1-Izraditi i implementirati komunikacijski plan, u okviru mjere 1.5.4.-Veća promocija koristi od uspostave IPP-a na svim razinama i strateškog prioriteta 1.5.- Izgraditi kapacitete IPP-a.

U Nacrtu SIPP FBiH navodi se da je tokom njene izrade vršeno i usklađivanje sa relevantnom Strategijom Federalne uprave za geodetske i imovinsko-pravne poslove za period 2021.-2027. godina koja je pripremljena s ciljem definiranja strateških ciljeva, provedbenih mjera, projekata i aktivnosti u geodetsko-katastarskom sektoru sukladno nadležnostima Federalne uprave za geodetske i imovinsko-pravne poslove i dokumentu Strategija razvoja FBiH za period 2021.-2027. godine. Infrastruktura prostornih podataka FBiH je prepoznata kroz Strateški cilj 2 - Prostorni podaci FGU trebaju reflektirati stvarno stanje na terenu, uz osigurano prikupljanje i vođenje u digitalnom obliku sukladno definiranim modelima podataka i osigurano dugoročno održavanje kvaliteta i interoperabilnosti, te posebno kroz

Strateški cilj 3 - Prostorni podaci FGU dostupni korisnicima putem standardiziranih web servisa i e-usluga, koji će biti ostvaren kroz implementaciju mjere (programa) - Omogućiti razmjenu, pristup i korištenje geodetskih, katastarskih i podataka IPP-a FBiH.

Zaključuje se da je ova faza izrade SIPP FBiH usklađena sa pravnim okvirom, iako iz Strategije ne uočavamo da je Vijeće Federacije, temeljem čl. 16 stav (4) Uredbe o izradi strateških dokumenata u FBiH nakon razmatranja iste dalo preporuke korištenjem rezultata provjere usklađenosti Strategije koju je izvršio Federalni zavod, a shodno čl. 12. stav (1). tč. b i c Zakona.

Konstatuje se potreba jasnijeg definisanja poveznica SIPP FBiH sa Ciljevima održivog razvoja Ujedinjenih naroda (SDGs) i obavezama proizašlim iz procesa evropskih integracija.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora i smatra da je ispoštovana faza usaglašavanja strateške platforme, te da je izvršena adekvatna provjera usklađenosti strateških dokumenata u FBiH.

U namjeri da se sadržaj Sektorskog strateškog dokumenta dodatno unaprijedi prema nalazu evaluacije, dokument SIPP FBiH će se dodatno unaprijediti, te će se uključiti jasnije poveznice sa Ciljevima održivog razvoja UN-a (SDG).

Napominjemo također da će Vijeće Federacije, temeljem čl. 16 stav (4) Uredbe o izradi strateških dokumenata u FBiH u procesu pribavljanja mišljenja radi usvajanja dokumenta od Vlade FBiH biti dodatno pozvano na konsultacije shodno čl. 12. stav (1) tč. b i c Zakona, i to ukoliko bude aktivan sastav u datom vremenu.

Zaključna ocjena:

Komentar se prihvata.

EP II.4 Definiranje prioriteta i mjera: Da li su mjere definirane na način da mogu biti preuzete u implementacione dokumente na način (član 11, stav 4,5,6; član 12, stav 5; Uredba o trogodišnjem i godišnjem planiranju u FBiH)? Da li je svaki pojedinačni strateški cilj označen rednim brojem, pri čemu je njihov maksimalni broj je pet (član 11, stav 7)? Da li se svaka mjera označava sa hijerarhijski nižim rednim brojem relevantnog prioriteta? Da li mjere minimalno sadrže: vezu sa strateškim ciljem i prioritetom, (a) naziv mjere, opis mjere sa okvirnim područjima djelovanja, (b) indikatore za praćenje rezultata mjere, (c) razvojni efekt i doprinos mjere ostvarenju prioriteta, (d) indikativnu finansijsku konstrukciju sa izvorima finansiranja, (e) period implementacije mjere, (f) instituciju odgovornu za koordinaciju i implementaciju mjere?

Nalazi i preporuke:

Članom 11. stav (7) Uredbe o izradi strateških dokumenata u FBiH, između ostalog, određeno je da strateški ciljevi trebaju biti jasno formulirani, ostvarivi u vremenskom periodu važenja strateških dokumenata, mjerljivi uz pomoć objektivno provjerljivih indikatora. Svaki pojedinačni strateški cilj označava se rednim brojem, a njihov maksimalni broj je pet. U cilju jasne i nedvosmislene interpretacije definiranih prioriteta i mjera, a posebno u kontekstu člana 11. stav (4), (5) i (6) Uredbe o trogodišnjem i godišnjem planiranju rada, monitoringu i izvještavanju u FBiH, kojim se, između ostalog, određuje da za trogodišnji plan rada kantonalni organ uprave ima obavezu preuzeti relevantne mjere iz strateških dokumenata sa pripadajućim indikatorima, polaznim i ciljnim vrijednostima za svaku godinu trogodišnjeg razdoblja koje postaju programi (mjera iz strateškog dokumenta = program u trogodišnjem planu rada), potrebno je voditi računa da je za svaku mjeru identifikovan indikator kao indikator ishoda (outcome), a ne kao indikator direktnog rezultata (output), a za indikatore mjera obavezno navesti polazne i ciljne vrijednosti

U SIPP FBiH definiran je jedan strateški cilj sa jednim objektivno mjerljivim indikatorom sa definisanom polaznom i ciljnom vrijednošću, čime je udovoljeno odredbi.

Na osnovu člana 12. Uredbe o izradi strateških dokumenata u FBiH, između ostalog, utvrđeno je da prioritete utvrđuje nosilac izrade strateških dokumenata i učesnici, osiguravajući njihovu usklađenost sa strateškim ciljevima. Prioriteti trebaju biti jasno formulirani, ostvarivi u vremenskom periodu važenja strateških dokumenata, međusobno usklađeni, mjerljivi uz pomoć objektivno provjerljivih indikatora, te društveno i okolišno prihvatljivi. Svaki prioritet označava se hijerarhijski nižim rednim brojem relevantnog strateškog cilja. U Nacrtu SIPP FBiH definirano je pet strateških prioriteta čime je udovoljeno ovoj odredbi.

Za svaki od prioriteta u SIPP FBiH su određene mjere, ukupno 19 mjera za pet prioriteta. Mjere za realizaciju svakog od pet prioriteta su razrađene sa naznačenom vezom sa relevantnim strateškim prioritetom i sa jasnom numeracijom sa nižim rednim brojem relevantnog prioriteta, vezom sa određenim strateškim putevima IGIF-a, opisima mjera, razvojnim efektima i doprinosu svake mjere za ostvarenje relevantnog prioriteta, indikativnim iznosima i izvorima finansiranja mjera, ciljnim skupinama, tijelom odgovornim za provedbu mjere i indikatorima za praćenje rezultata mjera sa polaznim i ciljnim vrijednostima. Polazne i ciljne vrijednosti pojedinih indikatora na nivou mjera se trebaju doraditi kako bi se omogućilo vrednovanje i praćenje realizacije indikatora mjera.

U dokumentu Akcijski plan, koji je sastavni dio SIPP FBiH, za svaku od mjera su detaljno razrađene aktivnosti čijom provedbom će se doprinijeti realizaciji svake od pet mjera – ukupno 31 aktivnost. Za svaku aktivnost je data veza sa strateškim prioritetima i mjerama jasne numeracije sa nižim rednim brojem relevantnog prioriteta i mjere, indikativnim finansijskim sredstvima i izvorima po kalendarskim godinama, nosiocima aktivnosti, ciljnim skupinama, tijelom odgovornim za provedbu aktivnosti i indikatorima za praćenje rezultata. Za svaki indikator aktivnosti su date polazne i ciljne vrijednosti indikatora, dok su za brožčano izražene vrijednosti indikatora dati i planovi realizacije indikatora na nivou svake godine u predmetnom periodu SIPP FBiH. Na kraju dokumenta, u sekciji Sumarni prikaz, su u formi tabelarnog pregleda prezentirani svi identifikovani prioriteti, mjere, aktivnosti sa finansijskim podacima po godinama za cijeli period provedbe SIPP FBiH. Dodatno, u sekciji B je dat gantogram svih aktivnosti. Uz konstataciju da je ispoštovana i dobra praksa, sugestija je da se u gore navedenoj tabeli Sumarni prikaz (sekcija A) u već predviđenu kolonu unese opis Strateškog cilja kao i da se u svrhu boljeg pregleda unesu, uz postojeću jasnu numeraciju, i opisi identifikovanih prioriteta, mjera i aktivnosti.

Konstatuje se da su ispoštovane navedene odredbe Uredbe o izradi strateških dokumenata u FBiH uz napomenu da se polazne i ciljne vrijednosti za pojedine indikatore trebaju doraditi kako bi se omogućilo vrednovanje i praćenje realizacije, te da se pojedini indikatori trebaju doraditi u smislu definisanja adekvatnijih indikatora.

Način elaboracije mjera i aktivnosti je jedinstven čime je osigurano jasno razumijevanje njihove međusobne povezanosti i povezanosti sa strateškim prioritetima.

Konstatuje se potreba definisanja izvora verifikacije za sve indikatore u Nacrtu SIPP FBiH.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluator. Polazne i ciljne vrijednosti za pojedine indikatore će se doraditi kako bi se omogućilo vrednovanje i praćenje realizacije indikatora te će se definisati izvori indikatora i doraditi identifikovani indikatori. Dokument Sektorske strategije će biti unaprijeđen sukladno.

Zaključna ocjena:

Komentar se prihvata. U prilogu ovog izvještaja je dat tabelarni pregled svih indikatora sa nalazom evaluatora, komentarima FGU i revidovanim indikatorima i vrijednostima indikatora.

EP. II.5 Da li su definirani strateški projekti sa svim elementima (kratki opis, očekivani efekti i indikativni finansijski okvir)?

Nalazi i preporuke:

Članom 13. Uredbe o izradi strateških dokumenata u Federaciji Bosne i Hercegovine određeno je da se za implementaciju strateških dokumenata **mog**u identificirati strateški projekti kao intervencije najvećeg značaja za ostvarenje strateških ciljeva. Strateški projekti treba da sadrže kratki opis, očekivane efekte i indikativni finansijski okvir.

U Nacrtu SIPP FBiH su navedena dva strateška projekta sa opisom, očekivanim efektima i indikativnim finansijskim okvirom. Unutar svih strateških prioriteta i unutar svake od 19 mjerâ su navedeni relevantni strateški projekti.

Konstatuje se da, iako prema Uredbi nije obligatorno, u Nacrtu SIPP FBiH je prepoznat značaj strateških projekata kao intervencije od najvećeg značaja za ostvarenje strateških ciljeva te su strateški projekti definirani u skladu sa Uredbom o izradi strateških dokumenata u FBiH. Imajući u vidu značaj strateških projekata za ostvarenje strateškog cilja SPP FBiH, predlaže se dati više informacija u opisu strateških ciljeva – koje aktivnosti se planiraju realizirati u okviru pojedinih komponenti projekata i u kojem vremenskom periodu.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora i prihvata prijedlog da se u dokument Sektorske strategije uvrsti više opisnih informacija o strateškim projektima. Dokument Sektorske strategije će biti unaprijeđen sukladno.

Zaključna ocjena:

Komentar se prihvata.

EP II.6 Da li je udovoljeno fazi izrade indikativnog finansijskog okvira?

Nalazi i preporuke:

Na osnovu člana 14. Uredbe o izradi strateških dokumenata u Federaciji Bosne i Hercegovine na osnovu situacione analize i projekcije, kao i definiranih mjera, izrađuje se indikativni finansijski okvir za period važenja strateških dokumenata. Indikativni finansijski okvir minimalno sadrži procjenu potrebnih finansijskih sredstava po strateškim ciljevima, prioritetima i mjerama iz budžeta, te po ostalim izvorima finansiranja, kao što su kreditna sredstva, sredstva Evropske unije i ostale donacije.

Evaluirajući ovu fazu izrade strategije, zaključuje se da je Nacrt SIPP FBiH u ovom dijelu u cijelosti usklađen sa pravnim okvirom. Indikativni finansijski okvir sadrži procjenu potrebnih ukupnih finansijskih sredstava za realizaciju strateškog cilja, procjenu finansijskih sredstava po prioritetima i po mjerama iz budžeta i ostalih izvora sa jasno navedenim potencijalnim izvorima sredstava. Dodatno, pregled finansijskih sredstava po izvorima i pregled indikatora sa opisima i polaznim i ciljnim vrijednostima je dat u tabelarnom prikazu za strateški cilj i po prioritetima i mjerama u poglavlju Sažeti pregled strateškog dokumenta u dokumentu Strategija infrastrukture prostornih podataka FBiH za period 2023.-2027. godina.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora.

Zaključna ocjena:

Komentar se prihvata.

EP II.7 Da li je u Strategiji definisan način provođenja, praćenja, izvještavanja i evaluacije?

Nalazi i preporuke:

Uredbom o evaluaciji strateških dokumenata u FBiH uređeno je da nosilac izrade strateških dokumenata definiše okvir za provođenje, praćenje, izvještavanje i evaluaciju strateških dokumenata prema propisima iz člana 22. stav (2) i člana 30. stav (2) Zakona i sadrži opis odgovornosti institucija nadležnih za provođenje, praćenje, izvještavanje i evaluaciju strateških dokumenata u FBiH, opis postupaka, dinamiku praćenja, izvještavanja i evaluacije u odnosu na napredak u implementaciji strateških dokumenata. U tom smislu, Vlada FBiH, na prijedlog Federalnog zavoda za programiranje razvoja, uz prethodne konzultacije sa Federalnim ministarstvom financija, drugim institucijama na razini Federacije BiH, kantonima, donosi propis o trogodišnjem i godišnjem planiranju, monitoringu i izvještavanju. Pored toga, Vlada Federacije na prijedlog Federalnog zavoda za programiranje razvoja, uz prethodne konzultacije sa institucijama na nivou Federacije, kantona i Savezom Federacije, donosi propis o evaluaciji strateških dokumenata u FBiH. Ova faza je od ključnog značaja za ostvarenje sadržaja strateške platforme tj. strateških ciljeva, mjera itd, a podrazumijeva određivanje institucija i opisa njihove odgovornosti za provođenje, praćenje, izvještavanje i evaluaciju Strategije, kao i opis postupaka, dinamiku praćenja, izvještavanja i evaluacije u odnosu na napredak u implementaciji Strategije. Vlada FBiH, dakle, zajedno sa drugim institucijama na nivou FBiH i kantona, donosi propise o planiranju, monitoringu i izvještavanju.

Članom 17. Zakona o razvojnom planiranju i upravljanju razvojem u FBiH, između ostalog, utvrđeno je da se sektorskim strategijama Federacije utvrđuje institucionalni okvir za implementaciju, monitoring, evaluaciju i izvještavanje. Članom 2. Uredbe o evaluaciji strateških dokumenata, određeno je da je donošenje odluke o pokretanju procesa evaluacije strateških dokumenata za nivo Federacije u nadležnosti Vlade Federacije, zatim da institucionalni okvir za koordinaciju, tehničku i stručnu podršku u provođenju evaluacije sektorskih strategija u Federaciji čine resorno nadležna federalna i kantonalna ministarstva. Sukladno Članu 15. Uredbe o izradi strateških dokumenata u FBiH, nositelj izrade strateških dokumenata definiše okvir za provođenje, praćenje, izvještavanje i evaluaciju strateških dokumenata.

U dokumentu Strategija infrastrukture prostornih podataka FBiH za period 2023.-2027. godina je dato posebno poglavlje 6. Praćenje i evaluacija strategije, u kojem je navedeno da će se provedba Strategije pratiti kroz definirane indikatore za ciljeve, prioritete i mjere. Međutim, konstatuje se da u pomenutom poglavlju nije predviđeno, odnosno, nije navedeno, praćenje indikatora na nivou aktivnosti, tj. Akcionih planova.

U istom poglavlju je za praćenje ostvarivanja glavnog strateškog cilja i prioriteta naveden prijedlog kontinuiranog, na godišnjoj razini, praćenja indikatora za mjere i aktivnosti, te se predlaže Vijeću IPP-a da zajedno s Koordinacijskim tijelom nastavi godišnju provedbu procjene stanja IPP-a sukladno indikatorima IGIF-a (cilj i prioritete) i indikatorima mjera, što treba biti sastavni dio godišnjeg izvještaja o uspostavi, održavanju i razvoju IPP-a FBiH Vladi FBiH. Predlaže se također po potrebi korigirati ciljne vrijednosti indikatora u prvim godinama implementacije. Predviđeno je da se evaluacija provodi od strane vanjskog evaluatora u toku (on-going) u skladu sa važećim pravnim okvirom u predzadnjoj godini implementacije Strategije IPP-a. Ukoliko se ocijeni da je potrebno, ostavljena je mogućnost evaluacije u toku i u sredini implementacije Strategije IPP-a.

Konstatuje se da u sistemu praćenja nije identifikovana potreba praćenja i indikatora aktivnosti koji su definisani u dokumentu Akcioni plan koji je sastavni dio Nacrta SIPP FBiH. Također se konstatuje da je za praćenje provedbe SIPP FBiH, osim praćenja indikatora strateškog cilja i prioriteta, neophodno jasno navesti i potrebu praćenja indikatora mjera što iz teksta nije dovoljno jasno navedeno, dok sistem praćenja indikatora na nivou aktivnosti nije prezentovan. Također, u sistemu izvještavanja prema Vladi FBiH neophodno je navesti odrednicu izvještavanja po indikatorima aktivnosti, a ne samo indikatorima cilja, prioriteta (indikator IGIF-a) i mjera. Skreće se pažnja na to da sistem izvještavanja/monitoringa i evaluacije treba biti postavljen na način da donosiocima odluka pravovremeno informira i u skladu sa pravnim okvirom u FBiH. Takođe, neophodno je voditi računa da upravljačke strukture monitoringa i evaluacije budu postavljene na način da osiguravaju vezu između donosioca odluka i implementacije.

Obzirom da je predviđeno da evaluaciju za strateški dokument provodi vanjski evaluator, skreće se pažnja na potrebu planiranja finansijskih sredstva za provođenje evaluacije u trogodišnjem i godišnjem planu rada.

U ovom dijelu nije prepoznato Vijeće za razvojno planiranje i upravljanje razvojem FBiH, kao tijelo Vlade FBiH koje ima savjetodavnu ulogu u procesima implementacije, monitoringa, evaluacije i izvještavanja o realizaciji razvojnih prioriteta u FBiH u okviru kojeg se, po potrebi, osnivaju sektorska vijeća koja imaju savjetodavnu ulogu u procesima definiranja, implementacije, monitoringa, evaluacije i izvještavanja o realizaciji specifičnih sektorskih prioriteta u FBiH.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora i prihvata prijedlog da se dokument Sektorske strategije unaprijedi sukladno.

Potvrđuje se potreba praćenja i indikatora aktivnosti koji su definisani u dokumentu Akcioni plan koji je sastavni dio SIPP FBiH. Također se usvaja praćenje indikatora mjera što će u doradenom tekstu biti jasno navedeno. U sistemu izvještavanja prema Vladi FBiH uvršteno će biti izvještavanje po indikatorima aktivnosti.

Vijeće za razvojno planiranje i upravljanje razvojem Federacije Bosne i Hercegovine će u procesu pribavljanja mišljenja, a radi usvajanja dokumenta od Vlade FBiH, biti dodatno konsultirano i to ukoliko bude imenovan aktivan sastav u datom vremenu.

Zaključna ocjena:

Komentar se prihvata.

EP II.8 Da li je potrebno proširiti konsultantski tim/uključiti još subjekata u proces izrade Strategije?

Nalazi i preporuke:

S obzirom na to da se predmetna strategija bavi infrastrukturom prostornih podataka, za šta je u FBiH usvajanjem prvenstveno Uredbe o IPP-u, a zatim i Zakona o IPP-u stvoren formalni okvir za provođenje aktivnosti na polju IPP-a i imajući u vidu da se osnivanje i održavanje IPP-a FBiH temelji na INSPIRE direktivi Europske unije, cijeni se pozitivnim angažovanje firme-pružaoca usluga (Geometrika d.o.o) sa iskustvom u pružanju usluga održavanja aplikacije za registar subjekata IPP FBiH i registra izvora prostornih podataka IPP FBiH.

Angažirana firma-pružalac usluga (Geometrika d.o.o) posjeduje i iskustvo izrade prethodno važeće Strategije IPP FBiH, a koja je važeća još od 2016. godine kada je istu usvojila Vlada FBiH.

Za potrebe realizacije Ugovorenih usluga Geometrika d.o.o. osigurala je angažman dva ključna konsultanta, eminentna stručnjaka u području infrastrukture prostornih podataka i INSPIRE direktiva (prof.dr.sc Vlado Cetl i Doc.dr.sc Danko Markovinović), čiji stavovi i mišljenja su značajno doprinijeli razradi ove problematike. Posebno se ističe akademska pozadina prof.dr.sc Vlade Cetla, koji je 2007. godine na Geodetskom fakultetu Sveučilišta u Zagrebu odbranio doktorsku disertaciju na temu "Analiza poboljšanja infrastrukture prostornih podataka", dok je ranije 2003. godine odbranio magistarski rad na temu "Uloga katastra u nacionalnoj infrastrukturi prostornih podataka". Značajno je istaći i višegodišnji angažman koji je prof.dr.sc Vlado Cetl imao u Zajedničkom istraživačkom centru Evropske Komisije (JRC EC), tijelu Komisije koje je i zaduženo za kreiranje i nadzor nad provođenjem INSPIRE direktive. Angažman prof.dr.sc Vlade Cetl direktno je bio vezan za EU infrastrukturu prostornih podataka.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora i potvrđuje i vlastito shvatanje da je konsultantski tim bio prikladne stručnosti i posjedovao relevantno prethodno iskustvo.

Zaključna ocjena:

Komentar se prihvata.

EP II.9 Da li je adekvatan pravni okvir u okviru kojega su se morali kretati nosilac i ostali akteri izrade Strategije?

Nalazi i preporuke:

Nosilac izrade Nacrta SIPP FBiH je nastojao udovoljiti ciljevima i svrsi samog pravnog okvira odnosno izradi Strategije. Međutim, adekvatnost pravnog okvira svoju ocjenu nalazi tokom primjene od strane subjekata nadležnih za poštivanje i provedbu. U tom smislu, od velike je važnosti da nosilac izrade strateškog dokumenta jasno formuliše sve eventualne poteškoće i manjkavosti postojećeg pravnog okvira, a sa ciljem njihovog otklanjanja i unapređenja pravnog okvira.

Komentar FGU:

Federalna uprava za geodetske i imovinsko-pravne kao nosilac izrade SIPP FBiH ističe da je izuzetno pohvalno što je zakonodavac na osnovu pripremljenih materijala nadležnih institucija vlasti u Federaciji BiH uredio oblast strateškog i operativnog planiranja. Navedeno će omogućiti da nadležne institucije efikasnije međusobno koordiniraju višesektorske interese za razvoj, te se u velikoj mjeri jamči transparentnost procesa planiranja, izrade i usvajanje strateških dokumenata.

Kao negativnu stranu ističemo da je usvojeno više Uredbi koje oslonac nalaze u Zakonu, a nisu nužno usklađene niti sadrže međusobne reference iako uređuju jednak proces (Uredba o godišnjem i trogodišnjem planiranju FBiH, Uredba o izradi strateških dokumenata u FBiH te Uredba koja regulira evaluaciju strateških dokumenata). Također ističemo da se veliki akcenat u odredbama uredbi stavlja na formalno ispunjavanje određenih mehanizama koji nužno ne vode ka kvalitetu strateškog dokumenta ili nužno nisu uopće primjenjivi na neke sektorske strategije koje su tehničke prirode.

Zaključna ocjena:

Komentar se prihvata.

III KRITERIJ: RELEVANTNOST I KONZISTENTNOST

EP III.1 Jesu li identificirani ciljevi, prioriteti i mjere u skladu sa državnim, EU i SDG prioritetima i ciljevima?

Nalazi i preporuke:

U Nacrtu SIPP FBiH je navedeno da pored koordinacije i usuglašavanja razvojnih prioriteta i politika u FBiH, Strategija istovremeno odražava prioritete Bosne i Hercegovine utvrđene u procesu evropskih integracija (Ekonomski investicijski plan za Zapadni Balkan, Zelena agenda za zapadni Balkan, EU digitalna strategija), kao i globalno prihvaćene ciljeve održivog razvoja (SDG), ali bez jasno definisanih poveznica sa navedenim nadnacionalnim strateškim dokumentima.

Navedena je veza predmetnog strateškog dokumenta sa Strategijom razvoja FBiH u smislu da je implementacija SIPP FBiH od iznimne važnosti za ostvarenje strateškog cilja 3. Strategije razvoja FBiH 2021.-2027. koji podrazumijeva resursno efikasan i održiv razvoj, uz konstataciju da Strategija razvoja FBiH 2021.-2027. trenutno ne sadrži eksplicitnu poveznicu s IPP-om kao niti odgovarajuće mjere koje bi to podržale.

Konstatuje se da je u SIPP FBiH potrebno jasno definisati poveznice ciljeva, prioriteta i mjera Strategije sa relevantnim nadnacionalnim i državnim strateškim dokumentima. Takođe, potrebno je jasno definisati poveznice ciljeva, prioriteta i mjera SIPP FBiH sa Strategijom razvoja FBiH 2021.-2027. godina.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora i u svrhu unaprijeđenja dokumenta Strategije identificirati će se jasnije veze ciljeva, prioriteta i mjera Strategije sa relevantnim nadnacionalnim i državnim strateškim dokumentima.

Zaključna ocjena:

Komentar se prihvata.

EP III.2 U kojoj mjeri je osigurana konzistentnost finansijskog okvira sa ciljevima Strategije?

Nalazi i preporuke:

Na osnovu člana 14. Uredbe o izradi strateških dokumenata u FBiH na osnovu situacione analize i projekcije, kao i definiranih mjera, izrađuje se indikativni finansijski okvir za period važenja strateških dokumenata. Indikativni finansijski okvir minimalno sadrži procjenu potrebnih finansijskih sredstava po strateškim ciljevima, prioritetima i mjerama iz budžeta, te po ostalim izvorima finansiranja, kao što su kreditna sredstva, sredstva Evropske unije i ostale donacije.

Indikativni finansijski okvir predmetnog strateškog dokumenta sadrži procjenu potrebnih ukupnih finansijskih sredstava za realizaciju strateškog cilja, procjenu finansijskih sredstava po prioritetima i po mjerama iz budžeta i ostalih izvora sa jasno navedenim potencijalnim izvorima sredstava. Dodatno, pregled finansijskih sredstava po izvorima i indikatora sa opisima i polaznim i ciljnim vrijednostima je dat u tabelarnom prikazu za strateški cilj i po prioritetima i mjerama u poglavlju Sažeti pregled strateškog dokumenta u dokumentu Strategija infrastrukture prostornih podataka FBiH za period 2023.-2027. godina.

Iako su podaci u ovom segmentu u potpunosti prezentirani i udovoljeno je odredbi, preporučuje se u Indikativni finansijski okvir uključiti prikaz metodologije izračuna i alokacije finansijskih sredstava na pojedine strateške ciljeve, prioritete i mjere kako bi se mogla pratiti potrebna finansijska sredstva za realizaciju definisanih strateških ciljeva, prioriteta i mjera.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora i u Indikativni finansijski okvir uključuje prikaz metodologije izračuna i alokacije finansijskih sredstava na pojedine strateške ciljeve, prioritete i mjere.

Zaključna ocjena:

Komentar se prihvata.

IV KRITERIJ: KOHERENTNOST, INTERVENTNA LOGIKA I EFEKTIVNOST

EP IV.1 Postoji li komplementarnost i sinergija između definiranih mjera, prioriteta i ciljeva?

Nalazi i preporuke:

Evaluacija podrazumijeva procjenu načina na koji su izabrani cilj, prioriteti i mjere te procjenu njihove usklađenosti sa ciljevima definiranim u horizontalnim strateškim dokumentima sa definiranom SSPP analizom što predstavlja vanjsku koherentnost ili usklađenost. Unutarnja koherentnost je odnos između sastavnih dijelova Strategije i reflektuje se kroz komplementarnost između definiranih strateških ciljeva, prioriteta i mjera koji svojim sinergijskim djelovanjem, u konačnici, mogu zajedno doprinijeti realizaciji učinka.

Može se potvrditi da je strateški cilj u SIPP FBiH jasno definiran kao i da su jasno definirani prioriteti sa oblastima djelovanja. Konstatuje se da postoji komplementarnost između postavljenog strateškog cilja i definiranih prioriteta te između mjera i definiranih prioriteta. Indikatori prioriteta su jasno postavljeni i mjerljivost indikatora nije upitna. Indikatori mjera su navedeni, ali se identifikuje potreba adekvatnog definisanja polazne i ciljne vrijednosti indikatora za pojedine mjere i/ili promjena indikatora kako je navedeno u prilogu ovog izvještaja.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora i prihvata potrebu predloženih intervencija te će Sektorska strategija biti sukladno unaprijeđena.

Zaključna ocjena:

Komentar se prihvata.

EP IV.2 Postoji li pripremljena teorija promjene ili interventna logika Strategije? Uključuje li logičku vezu između ciljeva i izazova definiranih u SWOT analizi? U kojoj mjeri je interventna logika utemeljena na dokazima, iz studija, radova eksperata?

Nalazi i preporuke:

Teorija promjene ili interventna logika nije kreirana tokom pripreme Nacrta SIPP FBiH, međutim, kroz pripremu situacione analize korištena je SSPP/SWOT analiza kao alat za teoriju promjene koja je rezultirala matricom sa identifikacijom unutarnjih snaga i slabostima i vanjskih prilika i prijetnji, na osnovu čega su definirane mjere. Prema informacijama dobijenim od FGU, rađena je dijagnostika rasta, ali više kao brainstorming, pri čemu ista nije dokumentovana u elektronskoj formi i nije uključena u dokument.

Pored toga, nije izvršena ni PESTLE analiza kojom bi se kroz analizu političkih, ekonomskih, socioloških, tehnoloških, pravnih i okolišnih faktora omogućilo shvatanje uticaja, prilika, prijetnji vanjskog okruženja na provedbu Strategije. Prema informacija iz FGU, analiza interesnih skupina sa analizom njihove moći vršena je kroz pripremu liste institucija gdje je definisano kojoj tematskoj skupini pripadaju. Konstatuje se da nije pripremljena TOWS matrica koja bi kao rezultat SWOT analize rezultirala generiranjem različitih strateških opcija.

Komentar FGU:

Federalna uprava za geodetske i imovinsko-pravne poslove cijeni nalaz evaluatora, no imajući u vidu tehničku prirodu polja djelovanja na koje se ova Sektorska strategija odnosi, stava smo da je korišteno dovoljno alata kako bi se postojeće stanje povezal sa budućim intervencijama i postavljenim ciljevima. Procjena postojećeg stanja IPP-a izrađena je u Studiji početnog stanja (Situaciona analiza), koja također sadrži i Analizu snaga, slabosti, prilika i prijetnji (SSPP). Rezultati procjene kao i SSPP analiza jasno ukazuju na potrebu za poboljšanjem postojećeg stanja i buduće implementacije, a kako bi se IPP FBiH što više približio ispunjenju strateških ciljeva IGIF okvira u budućem razdoblju i nastavio održivo razvijati na korist dobrobiti gospodarstva i svih građana FBiH. IGIF okvir i pripadni dijagnostički alat je korišten za procjenu postojećeg stanja IPP-a. IGIF okvir definira procjenu kroz 9 strateških puteva (Upravljanje i institucije, Zakonodavstvo i politike, Financije, Podaci, Inovacije, Standardi, Partnerstva, Kapaciteti i obrazovanje, Komunikacije i angažman) što omogućuje standardizirano sagledavanje, analizu, bodovanje i procjenu te prikaz postojećeg stanja IPP-a.

Rezultat procjene postojećeg stanja ukazao je na izazove koji su sustavno razmotreni i predviđeni za poboljšanje kroz ostvarenje strateških ciljeva te pripadnih prioriteta i mjera.

Zaključna ocjena:

Komentar se prihvata uz preporuku da u pripremi strateških dokumenata je uvijek poželjno koristiti više komplementarnih metodoloških pristupa kojima bi se dijagnosticirali svi faktori, unutarnji i vanjski i omogućilo donošenje najboljih odluka i izbor najadekvatnijih strateških pristupa sa analizom povezanosti sa postavljenim strateškim ciljevima.

EP IV.3 Postoje li aktivnosti i strateški projekti jasno definirani i postoje li aktivnosti koje bi bolje implementirale predložene mjere?

Nalazi i preporuke:

Mjere u strateškom dokumentu i u implementacionim dokumentima predstavljaju skup aktivnosti i/ili projekata koji treba da dovedu do određenog rezultata. Mjera predstavlja intenciju donosioca politike da napravi promjenu u nekom pokazatelju tako što će implementirati određene aktivnosti koje će doprinijeti ostvarivanju pojedinačnih mjera.

Konstatuje se da u Nacrtu SIPP FBiH su aktivnosti na realizaciji pojedinih mjera detaljno predstavljene sa jasno definisanim poveznicama sa mjerama i prioritetima, opisima, indikatorima, planovima realizacije na godišnjim nivoima, indikativnim finansijskim konstrukcijama sa izvorima finansiranja na godišnjim nivoima, ciljnim skupinama, nosiocima aktivnosti i institucijom odgovornom za koordinaciju implementacije.

Konstatuje se da su u Nacrtu SIPP FBiH identifikovana dva strateška projekta sa opisom, očekivanim efektima i indikativnim finansijskim okvirom. Jedan od projekata čija sredstva se planiraju osigurati sredstvima zajma od Svjetske banke je usvojen u Programu javnih investicija za period 2023-2025, a sredstva za drugi strateški projekt se planiraju osigurati kroz donatorska sredstva Švedske agencije za međunarodnu obnovu i razvoj (SIDA). Unutar svih strateških prioriteta i unutar svake mjere i aktivnosti su navedeni relevantni strateški projekti.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora.

Zaključna ocjena:

Komentar se prihvata.

V KRITERIJ: SISTEM INDIKATORA

EP V.1 Da li svaki cilj, prioritet i mjera imaju adekvatan broj indikatora?

Nalazi i preporuke:

Uredba o izradi strateških dokumenata u FBiH definiira potrebu utvrđivanja odgovarajućih indikatora za sve ciljeve, prioritete i mjere unutar strateških dokumenata. Nacrt SIPP-a FBiH definiira određene indikatore – za strateški cilj je utvrđen jedan indikator, za pet prioriteta je definisan po jedan indikator, svaka od 19 mjera ima definisan po jedan indikator za praćenje rezultata mjere.

Konstatuje se da cilj, svaki prioritet i mjera u Nacrtu SIPP FBiH imaju odgovarajući broj indikatora. Predlaže se koristiti opisni naziv indikatora za prioritete umjesto isključivo numeričke poveznice sa IGIF indikatorima radi konzistentnosti i lakšeg praćenja teksta Strategije.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora i usvaja se preporuka koristiti opisni naziv indikatora za prioritete umjesto isključivo numeričke poveznice sa IGIF indikatorima radi konzistentnosti i lakšeg praćenja teksta Strategije.

Zaključna ocjena:

Komentar se prihvata.

EP V.2 U kojoj mjeri predloženi indikatori reflektiraju promjenu i očekivane rezultata aktivnosti, odnosno, do kog nivoa su indikatori jasni, nedvosmisleni i dostupni? Da li indikatori sadrže polazne i ciljne vrijednosti?

Nalazi i preporuke:

Član 11. stav (8) Uredbe o izradi strateških dokumenata u FBiH definira da se indikatorima mjere vrste i stepen promjena koje se ostvaruju kroz realizaciju strateških ciljeva te da indikatori sadrže polazne i ciljne vrijednosti i da nosilac izrade strateških dokumenata i učesnici određuju maksimalno tri indikatora za svaki strateški cilj. U dijelu koji definira strateški cilj SIPP FBiH definira se i indikator cilja, adekvatno, kao indikator uticaja koji se povezuje sa očekivanim ishodom strateškog cilja i kojim se mjeri očekivana promjena.

Članovima 12. i 11. navedene Uredbe se dalje definira i nužnost utvrđivanja „objektivno provjerljivih indikatora“ za prioritete i za mjere.

Indikatori u SIPP FBiH su postavljeni za svaki od prioriteta s tim da nazivi indikatora nisu opisno navedeni nego numerički – referenca na redni broj relevantnih IGIF indikatora pojedinog strateškog puta. U slučaju mjera se definiraju indikatori ishoda (outcome) koji su kratkoročni rezultati promjene, a promjena treba biti uzrokovana realizacijom svih aktivnosti i ostvarivanjem direktnih rezultata (output) realizacije pojedinačnih aktivnosti unutar svake mjere. Ostvarivanje direktnog rezultata svake aktivnosti mora doprinositi ostvarivanju promjene mjere.

Uvidom u indikatore koji su utvrđeni za nivo mjera u Nacrtu SIPP FBiH konstatuje se da se predloženi indikatori mjerá odnose na krajnji rezultat skupa aktivnosti i na krajnji ili očekivani rezultat iz naziva mjere, uz konstataciju potrebe adekvatnijeg definisanja polazne i ciljne vrijednosti indikatora za pojedine mjere i/ili promjena pojedinih indikatora. Iako generalno dobro identifikovani i sa mjerljivim vrijednostima, pojedine indikatore aktivnosti je potrebno doraditi u smislu jasnije poveznice indikatora sa aktivnošću ili sa relevantnom mjerom. Upućuje se Nosilac izrade SIPP FBiH na prilog ovog Izvještaja gdje je dat pregled svih indikatora sa nalazima i komentarima evaluatora.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora. Izvršiti će se analiza identifikovanih indikatora, a indikatori prioriteta će dobiti i opisnu odrednicu. Sektorska strategija će biti sukladno unaprijeđena.

Zaključna ocjena:

Komentar se prihvata.

EP V.3 Da li su izvori indikatora navedeni i dostupni? Do kog nivoa su indikatori jasni i nedvosmisleni?

Nalazi i preporuke:

Svaki indikator za nivo cilja, prioriteta ili mjera mora imati definirane polazne i ciljne vrijednosti. U skladu sa navedenim i izvori podataka za svaki pojedinačni indikator moraju biti navedeni i dostupni, a sve u cilju praćenja svakog pojedinačnog indikatora tokom cijelog perioda implementacije.

Konstatuje se da je u Nacrtu SIPP FBiH potrebno navesti izvore za sve indikatore kako bi se utvrdila njihova dostupnost odnosno izvori za verifikaciju.

Konstatuje se da su indikatori cilja, prioriteta i mjera jasno i nedvosmisleno utvrđeni uz evidentiranu potrebu jasnijeg definisanja indikatora pojedinih mjera kako bi se osigurala mjerljivost indikatora kao i

potreba definisanja adekvatnijih indikatora za pojedine aktivnosti kao što je navedeno u prilogu ovog Izvještaja.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora te potvrđuje dorade Sektorske strategije koje će uključiti navođenje izvora indikatora kako bi se utvrdila njihova dostupnost odnosno izvori za verifikaciju i dorade identificiranih indikatora.

Zaključna ocjena:

Komentar se prihvata.

EP V.4 Postoje li ograničenja za adekvatan monitoring indikatora rezultata? Postoji li potreba za posebnim aktivnostima kao priprema za monitoring poput treninga osoblja ili organizacije saradnje sa ministarstvima, ili institucijama koje su izvori podataka - jesu li ove aktivnosti predviđene dokumentom?

Nalazi i preporuke:

U kontekstu ovog dijela nalaza posebno se naglašava potreba utvrđivanja izvora za sve indikatore kako bi se osigurala dostupnost podataka i omogućio monitoring indikatora rezultata, te u tom smislu, razmotriti saradnju sa relevantnim institucijama.

Monitoring implementacije i rezultata se temelji na definiranim indikatorima i jasnoći njihove pozicije u samom dokumentu i ljudskim, tehničkim i institucionalnim kapacitetima za provedbu pri čemu se institucionalni, tehnički i ljudski kapaciteti za provedbu monitoringa često pretpostavljaju. To je slučaj i sa Nacrtom SIPP FBiH, te je preporuka, u dijelu koji se odnosi na praćenje i evaluaciju strategije, unijeti i posebnu mjeru koja bi osigurala uspostavu odgovarajućih tehničkih (baze podataka) i stručnih kapaciteta (treninzi za provedbu monitoringa) kako bi se osigurao kvalitetan monitoring rezultata implementacije predmetnog strateškog dokumenta.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora te će predvidjeti i posebnu mjeru koja bi osigurala uspostavu odgovarajućih tehničkih (baze podataka) i stručnih kapaciteta (treninzi za provedbu monitoringa) kako bi se osigurao kvalitetan monitoring rezultata implementacije Sektorske strategije.

Zaključna ocjena:

Komentar se prihvata.

EP V.5 Da li su procedure monitoringa jasno definisane? Da li je sistem izvještavanja/monitoringa i evaluacije postavljen na način da informira donositelje odluka?

Nalazi i preporuke:

Donosiocima odluka je potrebno osigurati pravovremeno dostavljanje informacija kroz izvještavanje o implementaciji aktivnosti iz Strategije u toku izvještajne godine, a prije usvajanja budžeta za narednu godinu.

Iako je u Nacrtu SIPP FBiH, u dijelu koji se odnosi na praćenje i evaluaciju strategije, predviđena godišnja provedba procjene stanja IPP-a sukladno indikatorima cilja, prioriteta i mjera te izvještavanje prema Vladi FBiH, predlaže se razmotriti način i metodologiju praćenja i izvještavanja o provedbi

strategije u smislu predviđenih aktivnosti kako bi se osigurala pravovremena identifikacija „uskih grla“ u provedbi, poduzele mjere za prevazilaženje i osigurala pravovremena informiranost donosilaca odluka.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluator. Pitanje praćenja i izvještavanja na nivou indikatora aktivnosti će biti razrađeno u SIPP FBiH.

Zaključna ocjena:

Komentar se prihvata.

VI KRITERIJ: STRUKTURNI OKVIR

EP VI.1 Da li je ispoštovana minimalna struktura strateških dokumenata u FBiH kao što je opisano u Prilogu broj 1, člana 20 Uredbe o izradi strateških dokumenata u FBiH?

Nalazi i preporuke:

Nacrt SIPP FBiH je zadovoljio minimalnu strukturu strateških dokumenata kao što je traženo i objašnjeno u Prilogu broj 1, člana 20 Uredbe o izradi strateških dokumenata u FBiH. Nacrt SIPP FBiH sadrži stratešku platformu, prioritete i mjere sa relevantnim indikatorima, strateške projekte, indikativni finansijski okvir, sažeti pregled strateškog dokumenta, te okvir za praćenje i evaluaciju strategije. Dodatno, data je i analiza rizika provedbe SIPP FBiH.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora.

Zaključna ocjena:

Komentar se prihvata.

EP VI.2 Da li je strateška platforma pripremljena sa ključnim elementima?

Nalazi i preporuke:

Strateška platforma je pripremljena sa ključnim elementima uz, kako je identifikovano i razmotreno u okviru EP II.1, nalaze i komentare vezano za jasnije dokumentovanje perioda za koji su prikupljani, obrađeni i analizirani podaci u situacionoj analizi i razvrstavanja podataka prema spolu i starosnoj strukturi sa osvrtom na socijalno ugrožene kategorije stanovništva, kako je regulisano Uredbom o izradi strateških dokumenata u FBiH. Na individualne potencijalne nedostatke je ukazano u drugim Evaluacijskim pitanjima.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora. Individualni nedostaci i prateće akcije su usaglašene sa evaluatorom kroz druga evaluacijska pitanja i odgovore (komentare).

Zaključna ocjena:

Komentar se prihvata.

EP VI.3 Da li su strateški ciljevi, prioriteti i mjere definisani jasnim, nedvosmislenim, jednostavnim, razumljivim jezikom?

Nalazi i preporuke:

Konstatuje se da su Strateški ciljevi, prioriteti i mjere u Nacrtu SIPP FBiH definisani jasnim, nedvosmislenim, jednostavnim i razumljivim jezikom, društveno-okolišno prihvatljivi.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora.

Zaključna ocjena:

Komentar se prihvata.

EP VI.4 Da li je pripremljen akcioni plan za strategiju? Ako jeste, za koji period je pripremljen i da li sadrži minimalne elemente iz Uredbe o izradi strateških dokumenata u FBiH?

Nalazi i preporuke:

Akcioni plan za SIPP FBiH je pripremljen za planski period važenja strateškog dokumenta u skladu sa Uredbom o izradi strateških dokumenata u FBiH.

Akcioni plan sadrži aktivnosti i veze prema mjerama i prioritetima, opise aktivnosti, period provedbe, indikatore praćenja sa polaznim i ciljnim vrijednostima (i godišnjim planom realizacije indikatora tamo gdje je primjenljivo), strateške projekte, ukupnu i godišnju finansijsku konstrukciju sa izvorima financiranja, nosioce realizacije i ciljne skupine.

Konstatuje se da Akcioni plan sadrži minimalne elemente iz Uredbe o izradi strateških dokumenata u FBiH.

Komentar FGU:

Federalna uprava za geodetske i imovinsko-pravne poslove nema primjedbi na nalaz evaluatora.

Zaključna ocjena:

Komentar se prihvata.

PRILOG: PREGLED INDIKATORA CILJA, PRIORITETA, MJERA I AKTIVNOSTI

Redni broj i oznaka	Naziv	Indikatori	Polazne vrijednosti indikatora 2023.	Ciljne vrijednosti indikatora 2027.	Komentari evaluatora vezano za indikatore (jasni i nedvosmisleni?) i veze sa strateškim dokumentima (utvrđene?)?	Komentari evaluatora vezano za izvore indikatora (navedeni i dostupni?)	Komentari evaluatora vezano za vrijednosti indikatora (sadrže mjerljive polazne i ciljne vrijednosti?)	Odgovor FGU vezano za poveznicu sa strateškim, nadnacionalnim i nacionalnim, dokumentima	Odgovor FGU vezano za ostale komentare evaluatora
1. Glavni Strateški cilj	Učinkovito korištenje i razmjena harmoniziranih prostornih podataka i usluga za efektivno mjerenje, nadziranje i postizanje održivog društvenog, ekonomskog i ekološkog razvoja	Ukupna IGIF procjena	49	70	Indikator jasan i nedvosmislen Potrebno definisati veze Strateškog cilja sa strateškim, nadnacionalnim i nacionalnim, dokumentima	Definisati izvor indikatora.	Indikator sadrži mjerljive polazne i ciljne vrijednosti	<ol style="list-style-type: none"> 1. INSPIRE (Infrastruktura za prostorne informacije u Europskoj zajednici), 2. Copernicus (Europski program za opservaciju Zemlje), 3. UN Global Geospatial Information Management (UN-GGIM), 4. Agenda 2030 za održivi razvoj, 5. EU Strategija za pametne specijalizacije (Smart Specialization Strategy - S3), 6. Digitalna Europa. 7. Zajedničke socioekonomske reforme za period 2019 - 2022. godina (Održiv i ubrzan ekonomski rast, povećana konkurentnost privrede i unapređenje poslovno okruženje) 	<p>Izvor: Godišnji izvještaji Koordinacijskog tijela IPP FBiH za Vijeće IPP - ukupna IGIF procjena će se provoditi na godišnjem nivou koristeći IGIF alate.</p> <p>Indikator je sastavni dio godišnjih izvješća o uspostavi, održavanju i razvoju IPP FBiH Vladi FBiH.</p>

								8. Strategija razvoja Federacije BiH 2021 – 2027 9. Proces stabilizacije i pridruživanja (PSI/PSP). 10. Strategija za usklađivanje s <i>acquis communautaire</i> EU.	
1.1. Prioritet	Poboljšati funkcionalnosti IPP-a kroz učinkovito rukovođenje, suradnju i rad organa i subjekata IPP-a	IGIF 1,2,3,5 i 7	45	67	Postavke indikatora jasne i nedvosmislene, prijedlog da se definiše naziv indikatora Potrebno definisati veze Prioriteta i pripadajućih mjera i aktivnosti sa strateškim, nadnacionalnim i nacionalnim, dokumentima	Definisati izvor indikatora.	Indikator sadrži mjerljive polazne i ciljne vrijednosti	1. INSPIRE (Infrastruktura za prostorne informacije u Europskoj zajednici), 2. Copernicus (Europski program za opservaciju Zemlje), 3. UN Global Geospatial Information Management (UN-GGIM), 4. Agenda 2030 za održivi razvoj, 5. EU Strategija za pametne specijalizacije (Smart Specialization Strategy - S3), 6. Digitalna Europa. 7. Zajedničke socioekonomske reforme za period 2019 - 2022. godina (Održiv i ubrzan ekonomski rast, povećana konkurentnost privrede i unapređenje poslovno okruženje) 8. Strategija razvoja Federacije BiH 2021 – 2027 9. Proces stabilizacije i pridruživanja (PSI/PSP). 10. Strategija za usklađivanje s <i>acquis communautaire</i> EU.	Revidovani indikator: Indikatori IGIF relevantni za upravljanje i suradnju u IPP FBiH (#1,#2,#3,#5,#7) Izvor: Godišnji izvještaji Koordinacijskog tijela IPP FBiH za Vijeće IPP - ukupna IGIF procjena će se provoditi na godišnjem nivou koristeći IGIF alate. Indikator je sastavni dio godišnjih izvješća o uspostavi, održavanju i razvoju IPP FBiH Vladi FBiH. Veza sa strateškim dokumentima: Navedene su veze prioriteta sa strateškim dokumentima i odnose se i na

									pripadajuće mjere i aktivnosti.
1.1.1. Mjera	Prihvatanje i provedba svih zakonski propisanih obaveza i odgovornosti od strane Organa i Subjekata IPP-a	Stupanj prihvatanja i provedbe zakonski propisanih obaveza i odgovornosti od strane Organa i Subjekata IPP-a	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“ kako bi indikator bio mjerljiv		<p>Revidovani indikator: Broj Subjekata IPP i Organa IPP koji izvršavaju odgovornosti date Zakonom i provedbenim pravilima</p> <p>Polazna vrijednost: 2 Ciljna vrijednost: 15</p> <p>Izvor: Dvomjesečno izvješće Koordinacijskog tijela IPP FBiH za Vijeće IPP</p>
1.1.1.1 Aktivnost	<i>Povećati broj uključenih subjekata u IPP</i>	<i>Broj subjekata zavedenih u registru</i>	22	80		Definisati izvor indikatora.			<p>Izvor: Dvomjesečno izvješće Koordinacijskog tijela IPP FBiH za Vijeće IPP</p>
1.1.1.2 Aktivnost	<i>Jasno definirati obaveze i odgovornosti subjekata IPP-a</i>	<i>Povećanje broja usluga subjekata IPP-a na godišnjoj razini</i>	<i>Ne</i>	<i>Da</i>	Razmotriti promjenu indikatora u smislu jače veze sa aktivnošću.	Definisati izvor indikatora.			Aktivnost 1.1.1.2 se briše. Za praćenje provedbe mjere 1.1.1. adekvatne su aktivnosti 1.1.1.1 i 1.1.1.3.
1.1.1.3 Aktivnost	<i>Redovita priprema strateških i operativnih dokumenata neophodnih za uspostavu i</i>	<i>Broj operativnih i strateških dokumenata</i>	13	23		Definisati izvor indikatora.			<p>Izvor: Dvomjesečno izvješće Koordinacijskog tijela IPP FBiH za Vijeće IPP</p>

	<i>funkcioniranje IPP-a FBiH</i>								
1.1.2. Mjera	Uključivanje IPP-a u Strategiju razvoja FBiH	IPP uključen u Strategiju razvoja FBiH	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP
1.1.2.1. Aktivnost	<i>Uključiti IPP u Strategiju razvoja FBiH</i>	<i>IPP uključen u Strategiju FBiH</i>	<i>Ne</i>	<i>Da</i>	Indikatori mjere i aktivnosti identični, razmotriti promjenu indikatora aktivnosti.	Definisati izvor indikatora.			Revidovani indikator: Predstavnicu su imenovani od strane Vijeća IPP FBiH i učestvuju u radu tijela zaduženih za izradu Strategije razvoja FBiH Polazna vrijednost: Ne Ciljna vrijednost: Da Izvor: Dvomjesečno izvješće Koordinacijskog tijela IPP FBiH za Vijeće IPP
1.1.3. Mjera	Usvajanje i primjena okvira za dijeljenje i razmjenu prostornih podataka i usluga	Usvojen i potpisan Sporazum o korištenju i razmjeni prostornih podataka sa subjektima IPP-a	Ne	Da	Razmotriti jasnije definisanje naziva indikatora	Definisati izvor indikatora.			Revidovani indikator: Usvojen tekst Sporazuma o korištenju i razmjeni prostornih podataka sa subjektima IPP Izvor: Dvomjesečno izvješće Koordinacijskog

									tijela IPP FBiH za Vijeće IPP
1.1.3.1. Aktivnost	Potpisati Sporazum IPP-a o dijeljenju podataka sa subjektima IPP-a	Potpisati Sporazum IPP-a o dijeljenju podataka sa subjektima IPP-a	0	30		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP
1.1.3.2 Aktivnost	Dovršiti i usvojiti nacrt Sporazuma o korištenju i razmjeni prostornih podataka i usluga	Usvojen nacrt Sporazuma o korištenju i razmjeni prostornih podataka i usluga	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP
1.1.4. Mjera	Usvajanje okvira za licenciranje prostornih podataka	Usvojen okvir za licenciranje prostornih podataka	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP
1.1.4.1. Aktivnost	Izraditi Studiju prijedloga okvira za licenciranje prostornih podataka	Izrađena Studija prijedloga okvira za licenciranje	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP
1.1.5. Mjera	Poticanje javno-privatnih partnerstva u okviru IPP-a	Stupanj uključenosti privatnog sektora u IPP	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“		Revidovani indikator: Broj subjekata IPP FBiH iz privatnog sektora Polazna vrijednost: 0 Ciljna vrijednost: 2 Izvor: Dvomjesečno izvješće Koordinacijskog

									tijela IPP FBiH za Vijeće IPP
1.1.5.1. Aktivnost	Povećati uključenost privatnog sektora u IPP-u	Uključenost privatnog sektora u godišnje planove edukacija	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP
1.1.6. Mjera	Povećati ulogu IPP-a u stvaranju inovacija	Stupanj uključenosti IPP-a u stvaranju inovacija	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“		Revidovani indikator: Broj inovativnih inicijativa predloženih Vijeću IPP FBiH Polazna vrijednost: 0 Ciljna vrijednost: 5 Izvor: Dvomjesečno izvješće Koordinacijskog tijela IPP FBiH za Vijeće IPP
1.1.6.1. Aktivnost	Uspostaviti Radnu grupu za istraživanje, razvoj i inovacije u području prostornih podataka i usluga u okviru IPP-a	Uspostavljena radna grupa	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP
1.1.7. Mjera	Usklađenost s IPP-om Republike Srpske i Brčko Distrikta Bosne i Hercegovine	Stupanj usklađenosti IPP-a FBiH s IPP-om Republike Srpske i Brčko Distrikta	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“		Revidovani indikator: Broj zajedničkih zaključaka ili inicijativa Polazna vrijednost: 0 Ciljna vrijednost: 3

									Izvor: Dvomjesečno izvješće Koordinacijskog tijela IPP FBiH za Vijeće IPP
1.1.7.1 Aktivnost	Pratiti i koordinirati razvoj IPP-a FBiH sa IPP-om Republike Srpske i Brčko Distrikta Bosne i Hercegovine	Održani koordinacijski sastanci	0	7		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP
1.2. Prioritet	Harmonizirati IPP s Europskom pravnom stečevinom i standardizacijskim okvirom	IGIF 1,2,4 i 6	49	67	Postavke indikatora jasne i nedvosmislene, prijedlog da se definiše naziv indikatora Potrebno definisati veze Prioriteta i pripadajućih mjera i aktivnosti sa strateškim, nadnacionalnim i nacionalnim, dokumentima	Definisati izvor indikatora.	Indikator sadrži mjerljive polazne i ciljne vrijednosti	1. INSPIRE (Infrastruktura za prostorne informacije u Europskoj zajednici), 2. Copernicus (Europski program za opservaciju Zemlje), 3. UN Global Geospatial Information Management (UN-GGIM), 4. Agenda 2030 za održivi razvoj, 5. EU Strategija za pametne specijalizacije (Smart Specialization Strategy - S3), 6. Digitalna Europa, 7. Zajedničke socioekonomske reforme za period 2019 - 2022. godina (Održiv i ubrzan ekonomski rast, povećana konkurentnost privrede i unapređenje poslovno okruženje), 8. Strategija razvoja FBiH 2021-2027	Revidovani indikator: Indikatori IGIF relevantni za okvir standarda i EU pravnu stečevinu (#1,#2,#4,#6) Izvor: Godišnji izvještaji Koordinacijskog tijela IPP FBiH za Vijeće IPP - ukupna IGIF procjena će se provoditi na godišnjem nivou koristeći IGIF alate. Indikator je sastavni dio godišnjih izvješća o uspostavi, održavanju i razvoju IPP FBiH Vladi FBiH. Veza sa strateškim dokumentima: Navedene su veze prioriteta sa

								9. Proces stabilizacije i pridruživanja (PSI/PSP). 10. Strategija za usklađivanje s <i>acquis communautaire</i> EU.	strateškim dokumentima i odnose se i na pripadajuće mjere i aktivnosti.
1.2.1. Mjera	Ispunjavanje kriterija za pristupanje EU (vezano uz INSPIRE)	Stupanj ispunjavanja kriterija za pristupanje EU (vezano uz INSPIRE Direktivu)	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definirati vrijednosti: „nizak“ i „visok“		Revidovani indikator: Koordinacijsko tijelo uključeno u rad operativnih tijela u sustavu koordinacije EU integracije Polazna vrijednost: Ne Ciljna vrijednost: Da Izvor: Dvomjesečno izvješće Koordinacijskog tijela IPP FBiH za Vijeće IPP
1.2.1.1 Aktivnost	Usvojiti INSPIRE Provedbena pravila kojima se definiraju: metapodaci, specifikacije podataka, mrežne usluge, dijeljenje prostornih podataka i usluga, usluge prostornih podataka te praćenje i izvješćivanje	Broj usvojenih provedbenih pravila/specifikacija	0	6		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP

1.2.2. Mjera	Praćenje i analiza ostalih EU propisa važnih za IPP	Stupanj praćenja i analize ostalih EU propisa važnih za IPP	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“		<p>Revidovani indikator: Broj informacija/inicijativa za Vijeće IPP FBiH baziranih na analizi EU propisa od značaja za IPP</p> <p>Polazna vrijednost: 0 Ciljna vrijednost: 5</p> <p>Izvor: Dvomjesečno izvješće Koordinacijskog tijela IPP FBiH za Vijeće IPP</p>
1.2.2.1 Aktivnost	<i>Pratiti razvoj politika otvorenih podataka i propisa o zaštiti podataka</i>	<i>Praćenje razvoja politika otvorenih podataka i propisa o zaštiti podataka na godišnjoj razini</i>	<i>Ne</i>	<i>Da</i>	Razmotriti definisanje indikatora sa jačom poveznicom u cilju adekvatnog praćenja provedbe aktivnosti i mjere	Definisati izvor indikatora.			<p>Revidovani indikator: Broj informacija/inicijativa za Vijeće IPP FBiH o politikama otvorenih podataka i propisima o zaštiti podataka</p> <p>Polazna vrijednost:0 Ciljna vrijednost: 5</p> <p>Izvor: Dvomjesečno izvješće Koordinacijskog tijela IPP FBiH za Vijeće IPP.</p>

1.2.2.2 Aktivnost	<i>Osigurati veću primjenu postojeće regulative u području prava intelektualnog vlasništva u IPP-u</i>	<i>Izrađena Studija u području prava intelektualnog vlasništva i autorskih prava u IPP-u</i>	<i>Ne</i>	<i>Da</i>		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.2.3. Mjera	Usklađivanje sa Europskim standardizacijskim okvirom	Stupanj usklađenosti s Europskim standardizacijskim okvirom	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definirati vrijednosti: „nizak“ i „visok“		Revidovani indikator: Vijeće IPP FBiH utvrdilo prioritete standardizacije Polazna vrijednost: 0 Ciljna vrijednost: 3 Izvor: Dvomjesečno izvješće Koordinacijskog tijela IPP FBiH za Vijeće IPP.
1.2.3.1 Aktivnost	<i>Potaknuti uspostavu Odbora za geomatiku/geoinformacije u Institutu za standardizaciju BiH</i>	<i>Izrađene pripreme za uspostavu Odbora</i>	<i>Ne</i>	<i>Da</i>	Razmotriti konkretizovanje naziva indikatora u smislu jasnoće (definisati pojam „pripreme“)	Definisati izvor indikatora.			Revidovani indikator: Izrađen prijedlog opisa poslova Odbora za geomatiku/geoinformacije u Institutu za standardizaciju BiH Izvor: Dvomjesečno izvješće Koordinacijskog tijela IPP FBiH za Vijeće IPP.
1.2.3.2 Aktivnost	<i>Prihvatiti INSPIRE tehničke smjernice</i>	<i>Broj prihvaćenih smjernica</i>	<i>0</i>	<i>5</i>		Definisati izvor indikatora.			Izvor: Dvomjesečno izvješće Koordinacijskog

									tijela IPP FBiH za Vijeće IPP
1.2.3.3. Aktivnost	Kontinuirano pratiti i prihvaćati CEN/ISO standarde	Broj prijedloga standarda za prihvaćanje	0	12		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP
1.3. Prioritet	Jednostavan, brz i učinkovit pristup te korištenje harmoniziranih prostornih podataka utemeljeno na relevantnim modernim tehnologijama	IGIF 4 i 5	42	65	Postavke indikatora jasne i nedvosmislene, prijedlog da se definiše naziv indikatora Potrebno definisati veze Prioriteta i pripadajućih mjera i aktivnosti sa strateškim, nadnacionalnim i nacionalnim, dokumentima	Definisati izvor indikatora.	Indikator sadrži mjerljive polazne i ciljane vrijednosti	1. INSPIRE (Infrastruktura za prostorne informacije u Europskoj zajednici), 2. Copernicus (Europski program za opservaciju Zemlje), 3. UN Global Geospatial Information Management (UN-GGIM), 4. Agenda 2030 za održivi razvoj, 5. EU Strategija za pametne specijalizacije (Smart Specialization Strategy - S3), 6. Digitalna Europa. 7. Zajedničke socioekonomske reforme za period 2019 - 2022. godina (Održiv i ubrzan ekonomski rast, povećana konkurentnost privrede i unapređenje poslovno okruženje) 8. Strategija razvoja Federacije BiH 2021 – 2027 9. Proces stabilizacije i pridruživanja (PSI/PSP). 10. Strategija za usklađivanje s <i>acquis communautaire</i> EU.	Revidovani indikator: Indikatori IGIF relevantni za ostvarivanje pristupa podacima i njihovo korištenje (#4,#5) Izvor: Godišnji izvještaji Koordinacijskog tijela IPP FBiH za Vijeće IPP - ukupna IGIF procjena će se provoditi na godišnjem nivou koristeći IGIF alate. Indikator je sastavni dio godišnjih izvješća o uspostavi, održavanju i razvoju IPP FBiH Vladi FBiH. Veza sa strateškim dokumentima: Navedene su veze prioriteta sa strateškim dokumentima i odnose se i na pripadajuće mjere i aktivnosti.

1.3.1. Mjera	Izrada metapodataka za teme prostornih podataka definirane Zakonom o IPP-u i pripadne usluge	Broj zapisa metapodataka u Katalogu	19	80		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.3.1.1 Aktivnost	<i>Kontinuirano izrađivati metapodatke za sve nove izvore prostornih podataka i usluge</i>	<i>Broj zapisa metapodataka u Katalogu</i>	19	80		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.3.2. Mjera	Digitalizacija i harmonizacija tema prostornih podataka definiranih Zakonom o IPP-u	Stupanj digitaliziranih i harmoniziranih prostornih podataka	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“		Revidovani indikator: Broj izvora podataka koji su harmonizirani/digitalizirani Polazna vrijednost: 16 Ciljna vrijednost: 50 Izvor: Dvomjesečno izvješće Koordinacijskog tijela IPP FBiH za Vijeće IPP
1.3.2.1 Aktivnost	<i>Podrška digitalizaciji postojećih analognih prostornih podataka</i>	<i>Broj digitaliziranih prostornih podataka</i>	0	50		Definisati izvor indikatora.			Revidovne vrijednosti indikatora: Polazna vrijednost: 0 Ciljna vrijednost: 15 Izvor: Dvomjesečno izvješće Koordinacijskog

									tijela IPP FBiH za Vijeće IPP.
1.3.2.2 Aktivnost	<i>Harmonizacija prostornih podataka u skladu sa Zakonom o IPP-u i INSPIRE Direktivom</i>	<i>Broj harmoniziranih prostornih podataka</i>	16	50		Definisati izvor indikatora.			Revidovne vrijednosti indikatora: Polazna vrijednost: 16 Ciljna vrijednost: 35 Izvor: Dvomjesečno izvješće Koordinacijskog tijela IPP FBiH za Vijeće IPP.
1.3.3. Mjera	Uspostava usluga za teme prostornih podataka definirane Zakonom o IPP-u	Stupanj uspostavljenih usluga za prostorne podatke	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“		Revidovani indikator: Dostupnost integrirane platforme za usluge IPP FBiH. Polazna vrijednost: Ne Ciljna vrijednost: Da Izvor: Dvomjesečno izvješće Koordinacijskog tijela IPP FBiH za Vijeće IPP
1.3.3.1 Aktivnost	<i>Osigurati usluge pretraživanja, pregleda, preuzimanja i transformacije prostornih podataka IPP-a</i>	<i>Broj mrežnih usluga</i>	20	60		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.4. Prioritet	Održivi finansijski okvir za razvoj i funkcioniranje IPP-a FBiH	IGIF 3 i 7	45	65	Postavke indikatora jasne i nedvosmislene, prijedlog da se	Definisati izvor indikatora.		1. INSPIRE (Infrastruktura za prostorne informacije u Europskoj zajednici),	Revidovani indikator: Indikatori IGIF relevantni za

					definiše naziv indikatora Potrebno definisati veze Prioriteta i pripadajućih mjera i aktivnosti sa strateškim, nadnacionalnim i nacionalnim, dokumentima			2. Copernicus (Europski program za opservaciju Zemlje), 3. UN Global Geospatial Information Management (UN-GGIM), 4. Agenda 2030 za održivi razvoj, 5. EU Strategija za pametne specijalizacije (Smart Specialization Strategy - S3), 6. Digitalna Europa. 7. Zajedničke socioekonomske reforme za period 2019 - 2022. godina (Održiv i ubrzan ekonomski rast, povećana konkurentnost privrede i unapređenje poslovno okruženje) 8. Strategija razvoja Federacije BiH 2021 – 2027 9. Proces stabilizacije i pridruživanja (PSI/PSP). 10. Strategija za usklađivanje s <i>acquis communautaire</i> EU.	financiranje razvoja i funkcioniranja IPP FBiH (#3,#7) Izvor: Godišnji izvještaji Koordinacijskog tijela IPP FBiH za Vijeće IPP - ukupna IGIF procjena će se provoditi na godišnjem nivou koristeći IGIF alate. Indikator je sastavni dio godišnjih izvješća o uspostavi, održavanju i razvoju IPP FBiH Vladi FBiH. Veza sa strateškim dokumentima: Navedene su veze prioriteta sa strateškim dokumentima i odnose se i na pripadajuće mjere i aktivnosti.
1.4.1. Mjera	Usvajanje i primjena poslovnog modela IPP-a	Usvojen poslovni model IPP-a	Ne	Da		Definisati izvor indikatora.			Revidovani indikator: Poslovni model se primjenjuje od Subjekata IPP FBiH. Polazna vrijednost: Ne Ciljna vrijednost: Da Izvor:

									Dvomjesečno izvješće Koordinacijskog tijela IPP FBiH za Vijeće IPP.
1.4.1.1 Aktivnost	Usvojiti poslovni model IPP-a	Usvojen poslovni model IPP-a	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.4.2. Mjera	Dokazivanje koncepta IPP-a na ekonomskom planu	Izrađena Studija troškova i koristi IPP-a	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.4.2.1. Aktivnost	Izraditi studiju troškova i koristi IPP-a	Izrađena Studija troškova i koristi IPP-a	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.5. Prioritet	Izgraditi kapacitete IPP-a	IGIF 7, 8 i 9	57	77	Postavke indikatora jasne i nedvosmislene, prijedlog da se definiše naziv indikatora Potrebno definisati veze Prioriteta i pripadajućih mjera i aktivnosti sa strateškim, nadnacionalnim i nacionalnim, dokumentima	Definisati izvor indikatora.		1. INSPIRE (Infrastruktura za prostorne informacije u Europskoj zajednici), 2. Copernicus (Europski program za opservaciju Zemlje), 3. UN Global Geospatial Information Management (UN-GGIM), 4. Agenda 2030 za održivi razvoj, 5. EU Strategija za pametne specijalizacije (Smart Specialization Strategy - S3), 6. Digitalna Europa.	Revidovani indikator: Indikatori IGIF relevantni za financiranje razvoja i funkcioniranja IPP FBiH (#7,#8,#9) Izvor: Godišnji izvještaji Koordinacijskog tijela IPP FBiH za Vijeće IPP - ukupna IGIF procjena će se provoditi na godišnjem nivou koristeći IGIF alate.

								7. Zajedničke socioekonomske reforme za period 2019 - 2022. godina (Održiv i ubrzan ekonomski rast, povećana konkurentnost privrede i unapređenje poslovno okruženje) 8. Strategija razvoja Federacije BiH 2021 – 2027 9. Proces stabilizacije i pridruživanja (PSI/PSP). 10. Strategija za usklađivanje s <i>acquis communautaire</i> EU.	Indikator je sastavni dio godišnjih izvješća o uspostavi, održavanju i razvoju IPP FBiH Vladi FBiH. Veza sa strateškim dokumentima: Navedene su veze prioriteta sa strateškim dokumentima i odnose se i na pripadajuće mjere i aktivnosti.
1.5.1. Mjera	Sudjelovanje u međunarodnim projektima i radnim grupama u području IPP-a (INSPIRE)	Stupanj sudjelovanja u međunarodnim projektima i radnim grupama	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“		Revidovani indikator: Broj međunarodnih radnih grupa sa sudjelovanjem Koordinacijskog tijela. Polazna vrijednost: 0 Ciljna vrijednost: 4 Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.1.1 Aktivnost	<i>Nastaviti aktivnosti na postojećim i budućim međunarodnim projektima</i>	<i>Sudjelovanje u projektima</i>	<i>Ne</i>	<i>Da</i>		Definisati izvor indikatora.			Revidovani indikator: Broj međunarodnih projekata sa sudjelovanjem Koordinacijskog tijela.

									Polazna vrijednost: 1 Ciljna vrijednost: 3 Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.1.2 Aktivnost	Povećati aktivnosti u radnim grupama INSPIRE-a	Sudjelovanje na sastancima INSPIRE MIG-T	Ne	Da		Definisati izvor indikatora.			Revidovani indikator: Broj INSPIRE radnih grupa sa sudjelovanjem Koordinacijskog tijela. Polazna vrijednost: 0 Ciljna vrijednost: 2 Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.2. Mjera	Veća uključenost građana u IPP-u	Stupanj uključenosti građana u IPP-u	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“		Revidovani indikator: Broj inicijativa pokrenutih na osnovu uključenosti građana Polazna vrijednost:0 Ciljna vrijednost: 3 Izvor: Dvomjesečno izvješće Koordinacijskog tijela IPP FBiH za Vijeće IPP.

<i>1.5.2.1 Aktivnost</i>	Podržati veću uključenost građana u IPP-u kroz dobrovoljne geoinformacije	<i>Izrađena Studije uključivanja dobrovoljnih geoinformacija u IPP</i>	<i>Ne</i>	<i>Da</i>		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.3. Mjera	Veća uključenost IPP-a u formalnom i cjeloživotnom obrazovanju	Stupanj uključenosti IPP-a u formalnom i cjeloživotnom obrazovanju	Nizak	Visok	Indikator jasan i nedvosmislen ukoliko se adekvatno definišu polazna i ciljna vrijednost. U suprotnome, razmotriti promjenu indikatora.	Definisati izvor indikatora.	Potrebno definisati vrijednosti: „nizak“ i „visok“		Revidovani indikator: Akademska zajednica uključena u izradu godišnjih planova edukacije IPP FBiH Polazna vrijednost: Ne Ciljna vrijednost: Da Izvor: Dvomjesečno izvješće Koordinacijskog tijela IPP FBiH za Vijeće IPP.
<i>1.5.3.1 Aktivnost</i>	<i>Osigurati veću uključenost akademske zajednice u IPP-u</i>	<i>Broj studijskih programa koji sadrže IPP</i>	2	5		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
<i>1.5.3.2 Aktivnost</i>	<i>Kontinuirano educirati subjekte IPP-a.</i>	<i>Realizacija godišnjeg plana edukacija</i>	<i>Ne</i>	<i>Da</i>	Razmotriti definisanje adekvatnijeg indikatora u cilju jasnije poveznice indikatora sa mjerom	Definisati izvor indikatora.			Revidovani indikator: Subjekti IPP uključeni kao ciljna skupina planova edukacije IPP FBiH Polazna vrijednost: Ne Ciljna vrijednost: Da

									Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.3.3. Aktivnost	Kontinuirano raditi na izgradnji kapaciteta Koordinacijskog tijela	Realizacija godišnjeg plana edukacija, Strategije i planova Koordinacijskog tijela	Ne	Da	Razmotriti definisanje jasnije poveznice indikatora sa aktivnošću	Definisati izvor indikatora.			Revidovani indikator: Koordinacijsko tijelo uključeno kao ciljna skupina planova edukacije IPP FBiH Polazna vrijednost: Ne Ciljna vrijednost: Da Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.4. Mjera	Veća promocija koristi od uspostave IPP-a na svim razinama	Stupanj izgrađenosti kapaciteta IPP-a	Nizak	Visok	Indikator je preširoko postavljen, potrebno definisati šta se mjeri ovim indikatorom	Definisati izvor indikatora.	Potrebno definisati vrijednosti: „nizak“ i „visok“		Revidovani indikator: Unapređenje stepena svijesti/poznavanja koristi od uspostave IPP Početna vrijednost: odrediti u prvoj godini provedbe SIPP FBiH (uključena je nova aktivnost 1.5.4.4. u SIPP FBiH) Ciljna vrijednost: unapređenje od 10%

									od početnog utvrđenog procenta Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.4.1 Aktivnost	Izraditi i implementirati komunikacijski plan	Provedba komunikacijskog plana na godišnjoj razini	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.4.2 Aktivnost	Uspostava komunikacijske platforme	Uspostavljena komunikacijska platforma	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.4.3 Aktivnost	Povezivati IPP s ciljevima održivog razvoja	Identifikacija skupova prostornih podataka na godišnjoj razini	Ne	Da		Definisati izvor indikatora.			Izvor: Dvomjesečno izvješće Koordinacijskog tijela IPP FBiH za Vijeće IPP.
1.5.4.4 Aktivnost	Istraživanja/ankete za utvrđivanje stepena svijesti/poznavanja koristi od uspostave IPP	Broj provedenih istraživanja/ anketa	0	2	Nova aktivnost u SIPP FBiH za potrebe praćenja realizacije Mjere 1.5.4.				Izvor: Dvomjesečno izvješće Koordinacijskog tijela IPP FBiH za Vijeće IPP.

Napomena: IGIF indikatori po pojedinom strateškom putu, sa pregledom polaznih i ciljnih vrijednosti, su kako slijedi:

Indikator	Polazna vrijednost (2023)	Ciljna vrijednost (2027)
1. Upravljanje i institucije	78	85
2. Zakonodavstvo i politike	30	60
3. Financije	39	60
4. Podaci	54	70
5. Inovacije	30	60
6. Standardi	34	60
7. Partnerstva	50	70
8. Kapaciteti i obrazovanje	57	80
9. Komunikacija i angažman	63	80
Ukupna ocjena	49	70